


池陽名勝述古類編





青陽縣九華山志畧

九華山青陽縣西南四十里舊名九子唐李白易今名高  
數千丈盤踞百八十里南望石埭西望貴池東望涇川北  
望大江池之鎮山也化城居九華山之中諸峯亦以中峯  
為之主次而芙蓉天臺東峰次而雙峰獨秀次而蓮花天  
柱九子近代盛稱九十九峰則拘矣

予嘗論山川名勝莫不與國運為盛衰西岐八百載  
而成黍離終南百餘年而為灰劫未有歷唐宋元明  
聲靈赫濯迄今未之或替如九華山之靈異者也獨  
慨夫人之來遊九華者不遠千里不惜萬錢祇知地

藏為諸佛之王而不知太白為開山之祖有不獨愚  
未婦為然者是則可惑也故九華始自蓮蓮開山繼  
以地藏卓錫遂成海內名山宣僅為池陽勝境因採  
蓉城賦文青萐孟儒所輯九華目遊集分山水建置  
人物物產為類載于詩賦之前俾攬勝者得便參考  
云但九華題咏自唐迄明逸亡過半而  
當代詞宗騷客著述更多惜囿于孤陋俟他日搜括而  
次錄之也董永攀誌

九華目遊集

一曰山

峰

天柱峰

施徵君講堂

拱辰峰

小天柱峰

蘇萬題

雲外峰

滕司諫書堂







雕犀鳥爭  
撲乃舍之  
神光嶺地藏現  
天香嶺費拾遺居其下羅鄴  
羣

蛙嶺  
斧柯嶺  
牛軛嶺  
斗嶺止菴  
桐嶺九華山房

巖

思賢巖滕司諫隱居  
清隱岩劉世疎隱居今劉冲  
處士岩舊有隱者石床松檜存焉

碧桃岩趙知微種桃處  
宴坐岩地藏始卓錫處周金亦棲此王陽明留偈按即東岩俗呼為舍身岩

觀音岩唐釋卓菴題  
寶陀岩有石床丹竈  
拾寶岩梁伏虎禪師道場傍有費拾遺墓

透碧岩  
三斧岩有三劈痕  
虎頭岩  
滴水岩  
雙石岩有物若蛇

蜃有角無足異質白章二十  
年一見山不畏人久乃復入  
邃谷岩趙普勝寨夏秋尚有冰雪

洞穴

金光洞香林峰下地藏嘗居此  
十丈洞  
三遊洞  
雲岩洞  
堆雲

洞東岩蘇萬民題  
古仙洞古仙峯入必以火  
赤壁洞  
棲禪洞  
九曲洞

無極洞  
魚龍洞山之南麓入必乘筏秉火  
小魚龍洞宋紹興時陳宗富智題

伏虎洞  
白蟾穴取穴土為糧處

石

宋老石伏虎菴側  
金剛石五石相疊即金剛尖  
高僧石  
老嫗石  
淨巾

石  
風輪石  
花窻石  
加冠石  
伏虎石  
靈龜石



關鷄石 沉機石 廣福寺前宋超回所憇 鞞石 枕流石 少微峯下費子軍詩

飛雲石 蘇令題 飛來石 摩空嶺吳同春題 甘泉石 甘泉書院側定

心石 湧泉亭下 快笏石 鸚鵡石 摩空嶺下 象石 百歲巷上石

室 碧雲菴山半內有程介翁伯南居晦等題名介翁名大古宋紹定中以僧應物滕子京九華錄附時人詩文括

錄今逸 石照 石墩 遂繡石壁 赤石壁 俱淨信院南

民避亂之所 朱瑚石 小橋菴左邑令張燭題鳴 織女機石

臺壇

普賢臺 逍遙臺 五臺 天臺 龍女泉南地 南臺 春

陽臺 釣魚臺 廣勝寺 說法臺 嬰武石 醮壇 碧玉泉上寶子

祈雨壇 即嘉魚池石臺寶子明李化文釣處

二曰水

泉

虎跑泉 西洪側傳渴虎 龍女泉 東岩下地藏苦遠 白龜泉

龜山開山見白 瓔珞泉 釣魚 碧玉泉 少微北費拾 巴字泉

淨居院王一隗 煉丹泉 卧云菴即 憂玉泉 甘露泉 中温

祝增李山同題 泉 雙泉 龍安院西宋宣和間 汎汎泉 岩泉 三角泉



曹出山 寺 天泉 淨信寺西傳 金沙泉 無相六泉 五溪之南水香  
杜康造酒處 寺南 列旱則愈溢

谿 灣

黃石溪 嚴思 漂溪 出飲潭 瀾溪 出蓮雙溪 出上下華池間曹  
嶺下 猿潭 花峯 即蚕溪石港

溪 出鳳皇嶺上四溪及龍池水會于縞溪 聖泉院出志  
六泉口經五溪橋達梅根入江 誤作入清溪

龍溪 出黃五龍灣 龍池折為五  
匏城 池如連珠然

澗 瀨 灘

垂雲澗 九子峯生小鮮 菖蒲澗 淨居院有一寸九節石般  
曰醫魚出則雨 十二節二十四節者

澗 花塘澗 龍池西地藏 龍游澗 合澗 東陽澗 浮  
置水確處

桃澗 懸水西趙知微種桃于中峯之南陽澗 卧龍莽前雲  
北居民獲桃于澗一名餘桃 古猷州地

岩澗 流觴瀨 百丈潭 上有渠天井 琉璃灘 青峭 漱玉  
李昭象避黃巢隱此

灘 雙石 岩東

池 潭 湫 瀑布

化城池 前寺 上下華池 雲峯下 龍池 華地間旱 翠羽池 即鴨  
產異茗 取水以禱 子湖

白龍池 嘉魚池 龍遊澗 下竇子 濯纓潭 弄珠潭 雪  
明李化文鈞處

潭 飲猿潭 清猗潭 百丈潭 伏龍潭 龍湫 黃石  
黃石

翠瀑泉 崇聖 懸水 呈鳳嶺北王季文詩 七布泉 福海 百丈  
院前 懸水落成干丈玉 寺西



箭百丈潭上瀑 漸漸水之中峯北瀑 白石池邑令龐昌詩

雜勝

雲海山氣清白非烟 天井石照龍門南陽里督學 茗地原

神光嶺南 青峭彎天柱五 黃匏城碧雲莽上 天門蓮花

臺茗地源東上十里 仙橋望江仙人塘 螺髻峯下有 寶陀

岩下葛東藏源 化城東產五 叙松諫堂山 滕子京平田岡

塔山西屯 常遇春由青峭弯至山西屯 趙普勝

三建置

書堂

李太白書堂龍女泉側唐天寶間建宋南渡後廢嘉熙初

柯志洪吳獻僧德侃重建石坊馬隆慶三年燬萬歷間

隘乃相地于東岩下費拾遺書堂 少微峯下卧雲菴其王

季文書堂頭陀嶺下 九華先生隱居覆甌峯應天院 李昭

象書堂碧雲峯下 雙峰居士書堂福安院前宋待制 湯侍郎書

堂諱允恭築 滕司諫書堂雲外峯下滕子京築思 閱肅書

堂文殊峯下 劉世疎菴雙峯下保 九華書院宋處

子天桂峯前程待制 劉世疎菴雙峯下保 九華書院宋處

石



巖建額曰溪山第一內有靜觀燕居二室前有月池有臨清亭義士方時發題今額久失其處正德時陳九疇呈請建祠于九華山房桐嶺下元末義士賤清建以面對九華城中建陽明祠化城寺西祀王公守仁嘉靖時邑令甘泉祠化城陽明祠祝增建後令蘇萬民蔡立身重修寺東祀湛公若水嘉靖時督學御史聞人詮鳳臺精舍仰命知府侯緘同知任柱建萬曆時蘇萬民修祠右為郡雙華精舍仰止祠右為邑會侍中別業雲門峯丞任柱建景全亭侍柱明精舍太白祠右為名賢南臺精舍陽明祠中共名還素精舍會文堂左為封欽所精舍會文堂右為梓建東壁祠為長林畢似范書處東壁祠建以上補入四

天柱書堂 天柱峯理學 雲波書院 劉冲吳鐘 四峰書堂 施達講道處 讀書處

寺院 卷 觀 堂

雲遊讀 東壁祠 為長林畢似范書處

化城寺 在九華山晉隆安五年天竺杯渡禪師始創唐開元二年僧檀號居之至德初新羅僧金地藏來居坐化葬于寺西後人于墓上建塔置屋建中初郡守張岩奏請賜額洪武二十四年成林宣德十年住持僧福慶率寺僧了源重建隆慶三年毀于火嘉郡賈人黃龍鼎建復燬萬曆三十一年僧量遠赴京題奏太后御前頒銀重建三十四年復賜額勅封護國肉身寶殿併賜量遠紫衣經寶佛像外建祝壽殿永遠供奉又建輪藏寶殿無相寺 王季文付鄰圓寂寺 拾寶岩道者甘費故宅梁為僧智瑛之宅 翠峰寺 滴翠峯即天柱巷宋乾乾九子寺 九子峯下唐化院地藏祝髮處 翠峰寺 道余志源折折柳溪邊悟



解即高延壽寺曹山本甘贄莊舊曰龍門寺宋聖泉寺魁

廣勝寺觀音岩即廣修院後遷宗壽寺龜山南唐時建蔣

廣福寺覆甌峯即應天院淨信寺黃觀城下昔為碧雲菴

廢遷額福海寺九子峯下淨居寺天柱峯下宋天臺寺天

崇聖寺西洪嶺西舊靈宗興寺小魚龍龍安院西洪嶺北

唐末閔僧建法樂院雙石岩東宋令喬幼聞保真院野螺

南費徵君舊隱即卧雲菴山南唐僧圓證曹溪祖源院六

居一日付九華詩社僧清宿居之證化

蓮花菴蓮花峯下即福安石雲菴資聖菴百丈潭西宋

雙峰菴九子峯下唐新龍池菴龍池北即清隱菴曹冲菴

伏虎岩舊卧龍菴南陽里唐天祐中李常侍慕九華石洞

廣化寺

菴天台四峰菴五潘冲菴曹山西傳西峯聖者會居天柱

菴峯下百歲菴水月菴文殊菴以上五開元觀雲門三

延華觀鳳皇嶺唐乾寧中雲峰堂煉魔堂玄夷堂望

亭下百子堂補地藏禪林甘露禪林洞安

祠廟樓閣



協濟祠 邑南二里許一日 東協濟祠 覆甌峯 西協濟祠 鳳呈

嶺白鶴廟 雲 白龍廟 池 神光樓 塔寺東嘉靖時同知任

陽華樓 五溪橋左 藏經樓 化城寺後飲賜經寶 聚華閣 城

寺後督學 芙蓉閣 山門左僧佛被

亭館坊

望華亭 五溪都御史彭禮建刻陽明詩于上兵備副使馮

覽勝亭 聖泉寺前 秀華亭 曹山李白詩 靜觀亭 崇壽寺側心期亭

無相寺前 半霄亭 湧泉亭 碧雲亭 望江亭 玄覽

亭恬懷賢亭 緩步亭 東崖下吳漸昇亭 環奇亭 推雲

摩空亭 摩空嶺上俱 中亭 甘泉書院左南陵汪 三汲亭 廣

院秀綠亭 頭院嶺取程九萬詩一 雪浪亭 三汲水 激清亭

笑指亭 玉香亭 最勝亭 五甌峯下宣和中曹令機建

列詩僧了机植茶 三笑亭 淨信院取陶 忘歸亭 賢聖 迎仙

亭 金剛尖 訪山亭 翠瀑亭 憂玉亭 俱崇 環翠亭 西洪

通縣治南超九華前列雙 石亭 華西半 芙蓉館 西協濟祠

林奇 華雲深坊 塔寺前南康知府吳炳庶題 太白書堂



坊邑人王友益建江左名山坊大仙如來真境坊小伯橋  
時邑令蘇高止坊陽明仰止洗心亭月窟亭吳從  
萬民建高山仰止坊祠前補

橋

化城橋五溪蘇小石橋邃谷岩傍有大石倒書端平甲午  
劉煥四川梁明卿同來或會仙橋塔前玉延慶橋廣福寺  
云洪武時祀于山水而然蘇萬民扁曰第一禪閣  
迦仙橋禪堂東懷伏龍橋舊名集福化城寺山麓傍有菴  
大仙橋小仙橋

塔墓

金城藏塔即肉身寶殿梯疊石塔淨居寺前永安塔西洪  
費拾遺墓雞母山近閔公墓東崖湯侍郎墓淨信寺脚法  
鑑墓寺東文殊福慶墓西塔道泰墓東塔周瑜墓外有古  
洞是按在戶銅塔前甘贄墓曹山南麓李化文墓同  
江在宿松補

名宦

杜牧字牧之萬年人唐池州刺史與本州處士李虛已字  
受建安人宋天聖間有遊寶伯玉字子明漢元封時章仲  
九華化城寺詩見雅正集



堪字權輿唐天子寶間與李曹機宋宣和間刻九華為六宋

文堪紹興時刻九華圖見陳昇卿乾道時公餘許介高陽

熙時建慶元時嘗橋林奇字少穎侯官裔幼聞東陽

協濟祠傳城建五溪橋蔡元龍字驤甫無為人嘉吳夢祈宋

于邑東秀岩洞前蔡元龍字驤甫無為人嘉吳夢祈宋

熙間縣尉撰田賦號一竹建安人明刺史撰顧元鏡字韻

太白書堂記田賦號一竹建安人明刺史撰顧元鏡字韻

安人天啟時修九華志自為序包廣合浦人明正德時

增密雲衛人嘗築彭士奇番禺人毛德禎富川人俱沈子勉

桐鄉人隆慶蘇萬民江陵人萬歷時修山志建五溪橋亭

蔡立身平陽人萬歷時李如桂縉雲人羅華襄羅山人天

劉景清固始人崇禎時同太崔培元海鹽黃名世莆田楊

夢鯉字南叟吳國桂字清遠三韓人本朝同李山南海

嘉靖時同祝徐鳴臯太倉州人左文衡星子人唐時徵海

人令題巴字泉徐鳴臯太倉州人左文衡星子人唐時徵海

名賢 棲隱山中著書

費冠卿字子軍唐元和進士母病奔喪廬墓御史李仁修

周籛字惟憲咸通時進士為河南尉秩滿歸隱九華山少微峯下



王季文 字宗素 咸通時進士授秘書郎後移疾歸築室頭

李昭象 字化文 刺史方玄之子避黃巢亂築居碧雲峯下

華昭象 與張喬 顧雲友楊行密招之不就有鄭泰軍隱九

留寄以詩 劉放 字世疎結庵雙峯下 吳天錫 嘗合九華

四見王 章賁 字元明 宋宣和進士遭亂棲九華高宗中興

碑記補 章賁 仕至奉議郎善歌詞工水墨號嘿笑居士補

程九萬 字鵬飛 淳熙時進士仕至文華閣待制號至雙峯

陳巖 字清隱 元初徵不仕著九華 楊少愚 屢試不第著九

錢清 字公清 元末集義旅衛鄉邑明初以功授昭武將軍

李白 高霽 劉禹錫 鞏疇 字禹錫 秋浦人號九 顧雲

字垂象 池州人與杜荀宦 殷文圭 肄業九華咸通中登第

為高駢淮南從事師度之亂退處舊隱宰相杜奏雲與盧

知猷司空圖修宣懿德三朝實錄加許棠 字父化 登咸通

虞部員外郎有文號鳳策聯華編稿許棠 字父化 登咸通

避亂隱九華與張喬俞坦之劇燕任濟張蟾鄭谷 杜荀鶴

李棲遠李昌符顧雲謂之詩中十哲人稱許洞庭 杜荀鶴

大順初登第擇居得香林之勝中十哲人稱許洞庭 杜荀鶴

與顧雲輩為友自號九華山人張喬與伍喬顧雲殷文圭

杜荀鶴許棠輩互號文圭 池州人卜居九華潛心苦學墨

相倡詠樓老九華 池底為之穴赴舉途遇一叟曰

如學道當冲虛不日大有 宋齊邱 字子嵩一字超回豫

名于天下寧乾中及第 宋齊邱 字子嵩一字超回豫

之齊邱歸華 父因入九華 應天寺詔徵不至遣孫冕

使敦諭乃還後仍歸隱賜號九華 先生封青陽公孫冕



人宋天禧間直史館晚守蘇州滕宗諒字子京河南人祥  
退隱九華累詔不起後還籍改池州就九華山以葬父築室  
信州又監鄱陽郡權酷請改池州就九華山以葬父築室  
雲外峯下尋調去入為天章閣待制卒葬邑東之金龜源  
湯允恭九華築室之後宣和間進士官侍郎歸隱王守仁字  
安餘姚人兩至九華殊峯下卒葬淨信寺麓  
題詠頗多從遊者衆湯賓尹讀書龍菴人湛若水字甘鍾  
惺伯敬竟陵遊者衆湯賓尹讀書龍菴人

仙釋

葛洪字稚川句容人常于九華張果老梁天監初伏虎禪  
為修道場于拾寶郎即今圓寂寺常賜山茶花品異常果  
老騎馱來觀石上蹄痕宛然可識果老石墓在十一都

趙知微居鳳皇嶺東延華觀乾寧中屢詔不出賜碧雲星  
岩桃落流出澗外居民驚金地藏子唐至德間來居九華  
以自給有碧桃岩浮桃澗金地藏子唐至德間來居九華  
有龍女告以泉處嘗于岩間掘入塔開函視之如生身之  
十九跌坐函中而逝泊三稔將入塔開函視之如生身之  
骨節俱動人嘗于晏坐處立小閣讓和邑人九子山係其  
浮圖或發光如火故曰神光嶺不速天祐中築卧龍地藏  
來遊卓錫東岩李常侍落魄不速天祐中築卧龍地藏  
讓和以地惠施李常侍落魄不速天祐中築卧龍地藏  
菴宋末居九華法鑑宣德間初領劄度住持本寺其徒福  
有九華詩集法鑑宣德間初領劄度住持本寺其徒福  
道泰姓蕭號岳宗成都人師事南京天戒寺天童禪師宣  
禮部奉勅欽授北京萬壽戒壇宗周金和尚自少林來  
師後歸九華卒朝廷遣官賜祭周金和尚居東崖王

284



陽明登九華金與醫官陶堃來謁大圓和尚名佛智住東  
 先生賜以詩偈後不知其所之經馬禪師太平曹氏子嘉  
 生而逝將昇至寶峯後入塔化名海玉燕人天  
 龍女泉側三昧火發須臾尸化名海玉燕人天  
 天台無有知者陵陽人感異百歲和尚啟時居摘星菴天  
 夢掃雪迹之天台自此開矣伏虎禪師希坦詩騎駢來  
 閣禪師張紳詩天上佛閣龍隱果老伏虎住禪  
 師雙峰希坦無際遺詩存超無際柯暹詩傳心衣鉢超無  
 渡禪師卓錫九華寺道濟禪師居福院淨藏居雙峯圓證  
 居卧雲譯居資善菴上五僧冷然費冠化城寺莊與神穎居  
 雲菴和王應物與羅鄴倡酬作九華齊已鄭谷友有詩上  
 池有詩應物山記今逸有詩二章齊已鄭谷友有詩上  
 文季詩應物山記今逸有詩二章齊已鄭谷友有詩上

四僧詳唐詩紀事  
 以上附考十三僧

列女

朱氏 浙江萬某妻有題地藏寶殿聯云棄新羅而不居  
 含藏固自堅厚留古佛而難就誓願何其廣深

五物產

穀黃粒稻傳地藏攜竹實嘉靖間再見茹石芝米者緬引  
 輕身延年有紫竹蕈以灰煮去其汁如血茶金地茶藏傳地  
 黑二種即石耳竹蕈以灰煮去其汁如血茶金地茶藏傳地  
 域攜來其梗空茗地源茶傳閔公所植歲不數斤服之却  
 筒按即雲霧茶茗地源茶傳閔公所植歲不數斤服之却  
 詢品以為建溪木五釵松西域種每枝五花五開元松福  
 諸渚不過也



院唐千秋松 仙人燭似梧桐大盈握長尺餘 羅漢栢即

僧植相似者予 金錢樹塔前葉串 竹南天竹叢生岩澗如竹春

以佳名耳 紅紫色細花 花卉金步搖比於枝葉間

觀音竹 石竹 一名龍須竹 臺通有花落鉢中故名 莎羅

仙桂 玉瓔珞 鉢囊花 如黃葵極香傳地藏遊南

花苞如人面花似牡丹 蠟花 五色躑躅 木蓮花 水

仙花 龍須草 九節菖蒲 天禧中郡守曾金星草 鳳

尾草 百合 黃精 鱗介石班魚 味甘嘉魚 鱗紅馨巨

如掌歲綠魚 魚龍洞 魚黃鮑 醫魚 澗 石邦 類蛙 羽毛

一出焉 莫春出 城溪 雲韶部 山鳳凰 惜

喚起念念佛鳥 搗藥鳥 丁當 雲韶部 山鳳凰 惜

春鳥 啼曰莫摘花果 提壺 蘆呼曰提壺 濕濕鳥 上三鳥 婆

餅焦 類雀啼曰碧鷄 二雛成舊者飛去 羚羊 蒼鹿 嘉靖

于天柱 峯見之 雜著

金地藏紀年辨

舊志曰唐至德間金地藏航海來居華年九十九跌坐



而逝又曰貞觀間閔公和始以地惠施今人弗深考或曰  
 貞觀二年或曰至德二年茫無定論夫貞觀為太宗年號  
 至德為肅宗年號自貞觀二年至至德二年凡百五十年  
 有謂貞觀時來遊至德時來居者是將以九十九歲之身  
 閱歷百有餘年<sup>之</sup>也為謬已甚且九華之名為李白所  
 更定白為玄宗時人肅宗在玄宗後志既云居九華其必  
 非貞觀而至德也明矣而廣輿志亦曰至德時是李白之  
 聯吟在其先地藏之卓錫在其後無惑也作紀年辨

舍身巖說

金地藏卓錫東岩追者踵至誓不復故歸故一曰舍曰舍身巖  
 舍止也止是而不遷又施舍之謂也舍暹羅太子身而入  
 為禪家子也後人不曉此義遂至有傾跌懸岩以得死為  
 仙去者夫傾跌得死而竟以仙去地藏胡弗先為之而猶  
 待其生化函中耶身體髮膚受之父母不敢毀傷守身之  
 孝也截臂斷趾骨裂腦分亦何樂乎此而為之而猶且曰  
 死者得解脫不死無善因吾正恐死者未必仙而不死者



之以殘疾終也其毋自輕軀命而誤死於危崖峭壁間乎  
作舍身岩說

右錄九華日遊集終

九華詩古彙考

集唐

李白九華山聯句 并序

序曰青陽縣南九子山有九華如蓮花按圖史  
名無所依據太史公南遊畧而不書事不經故  
老之口復缺名賢之紀雖靈仙往復而賦詠罕  
聞予乃削其舊號加以九華之日時訪道江漢

憇于夏侯迴之堂循簷岸情生眺  
松雲因與二三子聯句傳之將來

妙有分二氣靈山開九華李白層標過遲曰半壁明朝霞高

積雪曜陰壑飛流歎同陽崖韋仲堪青焚玉樹色縹緲羽人

家李白

郡志逸民高霽字暄之秋浦人隱石門山桃花塢李  
白嘗過訪之其所著作僅見于此餘皆不傳  
望九華贈青陽令韋仲堪仲堪諱權與天寶  
間為青陽邑令

肯在九江上遙望九華峰天河挂綠水秀出九芙蓉我欲  
一揮手誰人可相從君為東道主於此卧雲松



劉禹錫九華詩

并序 禹錫字夢得定州人

序曰九華山在池州青陽縣西南九峯競秀神  
秀奇異昔余仰太華以為此外無奇愛女几荆  
山以為此外無秀及登九華始悼前言之容易  
也惜其地偏遠不為世所傳故詩以大之

奇峰一見驚崔嵬  
意想洪爐始開闢  
疑是九龍天矯欲攀  
天忽逢霹靂一聲化  
為石不然何至今  
悠悠億萬年  
氣勢不死如騰公  
雲含幽兮月添冷  
日月凝輝兮江漢影  
結根不得要路津  
迴秀長在無人境  
軒皇封禪登雲亭  
大禹會稽臨東溟  
乘標不來廣樂絕  
獨與猿鳥愁青瑩  
君不見敬

亭之山廣索漠兀如斷岸  
無稜角宣城謝朓一首詩  
遂使聲名齊五嶽  
九華山自是造化一尤物  
焉能籍甚乎人間

杜 牧望九華

身隨白石看將老  
心與白雲自有期  
今對晴峰無十里  
世緣多累暗生悲

眼看雲鶴不相隨  
自法雲鶴山去青陽西南  
何有雲中事  
作為好伴羽人深  
洞去月前愁聽玉參差



費冠卿答蕭

建

冠卿青陽進士

按蕭寄詩曰見說九華山下寺日宮猶在下方  
開其中幽境客難到請為詩中圖畫來故拾遺  
此答

自地上青峰懸崖幾萬重踐危頻側足登塹半齊胸飛腕  
啼攀柱遊人喘倚松入林寒莽莽近暴雨濛濛徑滑石稜  
上寺開山掌中幡花撲淨地臺殿印晴空勝境層層別高  
僧院院逢泉魚候洗鉢老獲戲撞鐘外戶憑雲掩中厨課  
木春搜泥時和麵拾椽半瀟<sup>添</sup>檀渡壑緣槎險持燈入洞窮  
夾天開壁峭透石蹙波雄澗靄清無土潭深碧有龍會田  
一片淨各樹萬株濃野客登臨慣山房幽寂同寒爐樹根  
火夏牖竹梢風邊鄙籌賢相黔黎托一聖躬君能棄名利  
歲晏一相從

姚合寄費徵君

合陝州進士崇之曾孫杭刺史

逍遙繒繳外高鳥與潛魚闕下無朝籍林間有詔書夜眠  
幽洞石曉飯白雲蔬四海人空老九華君獨居此心誰復  
識日與世相疎



張 蟻過費徵君故居

郡志費冠卿登進士第歸值母平廬墓三年隱于九華山朝廷嘉其孝拜右拾遺冠卿不應所隱之處時稱少微峯北有天香嶺使者焚香宣詔處也既卒葬青陽縣早麓山九華志曰在鷄母山

浮世拋身外棲蹤入九華遺篇補樂府舊籍隸仙家池靜

龜升樹庭荒鶴隱花古來天子命還少到煙霞

張 喬經九華山費徵君故居

草堂蕪沒後來往問樵翁斷石荒林外孤墳晚照中數溪

分大野九子立寒空烟壁曾行處青雲路不通

杜荀鶴過費徵君墓

凡弔先生者多哀荆棘間不知三尺墓高並九華山天地  
有何物孑然無一閒當時若詔起未必得生還

秋日懷九華舊居 在九華東距栢橋小龍山三里蓋臨城地舊傳杜荀鶴書

堂 云

吾道在五字吾身寧陸沉涼生中夜雨夜起故山心燭共  
寒酸影蟹添苦楚吟何當遂歸去一徑入松林



曹 汾靈芝鎮曉次五溪寄杜使君

按五溪橋在九華西北合曹瀾溪漂溪雙溪龍池水為五自六泉口併流至此在為陽華樓右望華亭領九華眾峯之妙溪流六十里至梅根入江

戴月早辭三秀館  
遲明初見九華峰  
瑤瑤玉劍寒芒利  
鳥島青蓮翠色重  
惟狀却疑人畫出  
嵐光似為客添濃  
行春若到五溪上  
此處褰帷正面逢

王李文九華吟 李文池人詳載後

九華峰嶸占南陸  
蓮花擢秀山半腹  
翠屏橫截萬里天  
懸

水落成千丈  
玉雲梯石磴入杳冥  
俯看四極如中庭  
丹崖壓下廬霍勢  
白石隱出牛女星  
松杉一歲抽數尺  
暖草黃綠秀層巒  
南風拂草雲霧開  
蒲山蔥蒨鋪鮮碧  
雷霆往往從地發  
龍卧豹藏安可別  
峻極遙看戛吳蒼  
挺生豈得無英傑  
神仙憚險慕登馭  
風駕鶴踰邱陵陽  
鳥不見峰頂樹大火  
尚結岩中冰  
靈光爽氣薰復旭  
晴天倒影西江淥  
具區彭蠡夾兩旁  
別作一岳當少陽

楊巨源題五老峰下費徵君隱居



解向花間栽碧松門前不負老人峰已將心事隨身隱認  
得溪雲第幾重

林 滋望九華山

茲山特出何怪奇上有萬狀無凡姿大者嶙峋若奔兕小  
者嵒崑如嬰兒玉樹金莖相拄杖干空榆碧勢參差稀中  
始訝巨靈鑿缺處乍驚黑叟移羅烟石月相蔽虧天風曷  
鼻猿咿咿龍潭萬古噴飛溜處虎幾人能得窺吁余比年  
愛靈境到此始覺神魂馳如何獨得百丈索直上高峰拋

俗羈

孟遲登蕙風館遇陰不見九華

我來淮海城千山無萬山無不經山青水碧千萬丈奇峰急  
脉何縱橫又聞九華山山頂來青冥太白有逸韻使我西  
南行一步一攀策前行正鷄鳴陰雲冉冉忽飛送千里萬  
里危崢嶸壁如天之有日蝕使我昏沉猶不明人家敲鐘  
救不得光影却屬貪狼星恨亦不能通言亦不足聽長鞭  
揮馬出門去是以九華為不平



金地藏送童子下山

空門寂寞爾思家  
禮別雲房下九華  
愛向竹欄騎竹馬  
懶於金地聚金沙  
添瓶澗底休拈月  
洗鉢池中罷弄花  
好去不須頻下淚  
老僧相伴有烟霞

柴 變望九華

九峰如劍挿雲霓  
青藜連空望欲迷  
北截吳門疑地盡  
南連楚界覺天低  
山池水蘓中秋月  
石路人攀上漢梯  
惆悵舊遊無復到  
會須登此出塵泥

封 教西隱寺憶九華 教字碩夫冀州人為池守

三年來到九華山  
終日披圖一空間  
秋寺喜逢晴後賞  
仙峰看待足時還  
猿從有性留僧住  
雲自無心伴客閒  
勝事倘能銷日月  
已拚名利不相關

殷文圭九華賀雨吟 文圭秋浦進士子湯悅

陶公焦思念生靈  
變早為豐合杳冥  
雷劈老松疑虎怒  
雨衝深洞覺龍腥  
四畦香滿蓬牕綠  
九朶峰奇樸凸青  
吟賀西成饒旅放興  
散絲飛洒遍長亭



霍 總郡樓望九華

樓中坐見華峰翠雲赤日光溶溶有時朝昏變疏密入  
峰和烟一峰出有時風捲天雨晴序立聯聯如弟兄陽鳥  
生子偶成數丹鳳養雛同此名日月遙看機已靜未離塵  
躅尋真境子明駕龍騰九垓陵陽相對空崔嵬玉漿瑤草  
不可見自有神仙風馬來

羅 隱憶九華

九華巉峯蔭柴扇非長憶前時此息機黃菊倚風村酒熟綠  
蒲迎雨釣船歸干戈已是三年別塵土那堪萬事違回首  
佳期恨多少夜闌霜露又沾衣

羅 鄴化城寺鄴隱之弟

慶雲生處梵王宮躡磴攀蘿一徑通金殿忽開青嶂裏天  
門疑在白雲中秋霄爽朗空潭月暑屠氣蕭寥古栢風况是  
慈悲清淨地香烟像設固無窮

集宋

王安石答平甫舟中望九華



楚越千萬山雄奇此山兼盤根雖巨壯其末乃脩纖去縣  
尚百里側身勇前瞻蕭條烟嵐上縹緲浮青尖徐行稍復  
逼所矚亦已添精神去疊々氣象來漸漸卸席取近岸移  
船傍蒼葉窺觀坐窮晡未覺暮刻淹江空萬物息四面波  
瀾恬殺然九女鬟爭出一鏡奩卧遊秋月沒起看朝陽暹  
遊氛蕩無餘瑣細得盡規凌空翠燾真照影寒銍銛冢木  
立紺髮岸林張紫髯變態生倏忽雖神豈能占古當留老吾  
身少駐誰云饜惜哉秦漢君黃屋上衡瀟等之事嬉遊捨

此何其廉我疑二后荒神物久已厭埋藏在雲霧不欲登  
昏儉又疑避褒封蔽匿以為謙或是古史書脫略簡與籤  
當時備巡遊今不在緗縑終南秦之望泰山魯所瞻天王  
與秩祭俎豆羅醢鹽苟能澤下民維此遠亦沾方今東南  
旱土脉燥不黏尚無膚寸功豈免竊食嫌神莽吾難知士  
病吾能破文章功傳會知術工飛箱薦寶互珪璧論材自  
梗楠苟以飾婦妾謬云活蒼黔豈如幽人樂茲山謝閣閣  
穴石作戶牖垂泉當門簾尋奇出後徑攬勝倚前簷超然



往不返舉世徒帖々高興繼日月千秋伴烏蟾遐追商洛  
翁秦火不能災所慕楚穆生竟脫楚人鉗吾意竊所向人  
謀諒能僉

按宋乾道間陸游入蜀記曰二十三日過洋山磯始見  
九華山太白與劉夢得皆有詩而劉以為可兼太華女  
几之秀特惟王文公詩其末乃修纖極形容此山之  
奇妙惜山無含蓄敦太氣象與庐山天台畧不同矣

其二

誰謂九華遠吾身未嘗詹唱篇每起予々口安能箱憶在  
秋浦北空江上新蟾光潔寫一鏡迴環兩堤奩露坐引衣

棘風行欹帽簷維舟當此時巨細得盡瞻試嘗論大略次  
乃述微纖此山廣以深包畜萬物兼噓雲吐霧雨生育靡  
不漸巍然如九皇德澤四海沾此山相後先各出羣峰尖  
毅然如九官羅列在堂廉挺身百辟上附麗無妍媸此山  
高且寒五月不覺炎草樹萋已綠冰霜尚涵淹頽然如九  
老白髮連蒼髯此山當無雲秀色鬱以添婉然如九女靚  
飾出重簾珮環與巾裾紺玉青紉縑遠之妍西施近或醜  
無鹽變態不可窮詩者徒帖々我初勇一往役世難安恬



浪荒不徙職民瘼當誰砥非離今數旬夢想欲窺覘自期  
 得所如何帝釋囚鉗念昔太白嶺下視海日暹謁來天桂  
 遊屐齒尚苔粘猶之健飲食屢癯食亦云屢胡為慕攀踏已  
 憊且不嫌豈其仁知心山水固所潛男兒有所學進退不  
 在占功名苟不諧廊廟等閭閻况乃掄椽棧代其誰辨梗楠  
 歸與岩崖居料理帶與箴得石生兀々蓬泉飲厭々取舍  
 斷在獨豈必詢謀僉子語實慰我寧殊邑中黔玉杖將在  
 山當倚以葭兼詩力我已屈鋒銛子猶銛扶傷更一戰語

汝其無謙

蘇轍過九華山 轍字子由與兄軾同登進士屢陞  
 屢謫號穎濱遺老卒諡文定

孤舟少僮僕此志還復難南遷私自喜看盡江南山忽驚  
 九華峰高拱立我前局促守破牕聯翩過重巒碧霞為衣  
 裳首冠青琅玕蕭然九仙人縹緲凌雲烟我行竟草々安  
 能拍其肩揮手謝世人可望不可攀松根得茯苓壯若干  
 歲龜但聞有高士卧聽松風眠腹背生綠毛輕舉如翔鸞  
 煮食一朝盡身棄腥羶相逢欲借問已往長松端



周必大地藏塔

塔在化城寺右一小山歷八十四級萬歷中賜名護國肉身寶殿以瓦以銅鐵為之

渡海離鄉國辭榮就若空結茅雙樹底成塔萬花中

楊萬里金陵得郡歸晚發梅根舟中望見九華江西副漕

山外雲濃白峰頭日淺紅橫拖一疋絹直掃九芙蓉奔走

來船裏提攜入袖中寄言杜陵老不用剪吳淞

釋希坦五臺明智院五臺日般若白雲集寶離垢華嚴古仙峯之北今白雲庵是

時過九月秋來作上方遊林瘦霜凋葉鐘鳴風滿樓五臺

新月上一洞暮雲收奪利爭名者寧知此地幽

章 賁九華山賁菴青陽進士

松嶠與雲開齊雲衲子榻禪房花自潤覺院鹿麕迷晝暝

茶烟重朝分塔影低何當拂盤石來聽白猿啼

張 詠題九華圖

每憶眠雲處當窗列翠屏有時聊極日盡日生忘形去此

心惟苦懸圖恨忽醒數峰秋欲活虛籟夜重聽地鎮三吳

遠天連萬古青幾人曾得道是草即通靈仙鶴間窺鼎龕



僧暗誦經終須卜長往廻首謝明廷

晁補之過銅陵南一山高出雲上奇秀可駭余未當嘗

至江南遽曰此九華也問之良是

雲端忽露羣巖顏如簪纓縹緲間驚駭舟中齊舉首不

言知是九華山

王十朋望九華絕句并序余過池陽登郡樓望九華

之然猶滅夜於雲霧之間晚泊梅根浦方了見諸峯也

舟出清溪尚逆風觀山欲得少從容浮雲不礙天邊眼放

出神山八九九峰

我在芙蓉山下家四年秋色隔天涯如今漸覺鄉山近已

見芙蓉吐九華見芙蓉吐九華勉芙蓉自九天來太史南游山未開仙境曾經謫仙眼佳

名傑句兩崔嵬

曰華曰子數俱九細看峰巒何許多今古畫工圖不足冠

卿詩奈九華何

江南一嶽占青陽多少神仙此地藏聞說仙翁搗藥處葉烏



聲依舊克丁當

郡樓初見一奇峰深恐烟霞無路通神母遙々將九子總  
將山色到舟中

陳 巖地藏塔

巖字清隱青陽人舉進士不第元世祖徵求不起晚歸築室遍歷九華

八十四級山嶺石五百餘年地藏墳風撼塔鈴天半語衆  
人都向夢間

眼看恒河幾劫沙隨身鎖子骨鈎加嶺頭閃々神光動無  
盡燈中轉法華

### 太白書堂

蘭芷春風滿地香謫仙曾卧白雲鄉山間精爽今猶在落  
月時々見屋梁

王香文書堂 詳楊夔詩

要學騎蟾主簿仙休官直上九華巔我來細讀碑間字風  
葉時々一颯然

### 李化文書堂

化文名昭象刺史李方玄子唐懿宗時以文名時避巢賊入山荆書

堂與張喬杜荀鶴輩遊楊行密遣車駿之不起



世路嶽崎兩鬢絲山中留客且伸眉竹林勝跡雖相似猶

恨前賢所欠詩

楊夔尋九華王山人王諱李文池人唐咸通中登第歸山築室于邃谷頭陀嶺

下有唐王季文故宅書堂後捨為寺宋治平元年賜額無相寺以前有心期亭明湛尚書若水

題今廢

下馬扣荆扉相尋春半時捫蘿盤磴險疊石渡溪危松夾

莓苔徑花藏薜荔籬卧雲情自逸名姓厭人知

龍女泉在東巖之半地藏岩樓苦遠及俄少女出現告以泉處伐石得之女即不見疑

其為龍女也遂以各泉

祖師正渴山頭水龍女俄分海眼泉萬事不離無始劫千

年騰結未來緣

中峰九華之正中也衆峯環列上睇日月下觀雲雨清泉迸石翠露凝空昔有羅漢居之

會仙峰介柯嶺皆在其下○中峯上有泉味甘美名甘露泉舊有禪師取以療疾多愈

第鬱盤紆直桂空衆峰環繞獨居中山頭要看僧禪定南

北東西路各通

會仙峰唐道士趙知微常晏羣仙於此又嘗中秋遇雨率其徒登峯玩月



仙袂飄飄拂翠巔知微來此宴宴群仙人間風雨山間月始  
信仙家別有天

斧柯嶺在中峯下仙客圍碁方終樵人斧柯已爛

偶爾觀棋忽爛柯豈知勝負是如何歸來笑問人間事恰  
是人間勝負多

枕月峰在雙峯野螺之間中凹似枕土人每以孟夏之望候月出為準

層崖缺處月嬋娟金背蝦蟆就石眠笑問月間人在否中  
宵有夢到鈞天

雲巖洞雲門峯北或曰雲外峯南深廣如堂四隅石室有像若真人羅漢滴乳凝結奇

特異前溪雲徑再詣則遂迷

卷曲山阿路窈深春風隨地散幽芬洞中仙客誰為伴去  
來來自在雲

訪山亭在望仙祠側保山之北

又拚十日作山行去路一程高一程三十年遊游未了青  
山應笑白鬢生

曹組五溪道中望鳧鴈羅漢諸峰



天半現諸相峰，鑄欲真嵐清。山亦喜石礙，水宜暝人面。  
堆新翠，羊腸貯小春。芝光千萬狀，去去逼人親。

真西山清泉銘

芙蓉嵯峨與天相摩，氣與天通。秀綠浮河地，靈脉潤如江。  
之沱乃吐，斯泉於山之阿。行道渴飲，孰曰勿過。淨洗五濁，  
澡雪白疴，消々無窮。實濟實多，餘澤所被。芄々黍禾，上善  
利物，其達盈科。名揭而清，萬古不磨。國朝雲陽錢清刻石  
西十里寬不越一席地，深不盈尺。然而旱乾不竭，可以  
滋灌溉。或曰泉出于石罅，或曰九華之水由五溪入。

而泉則其支流也。始曰鮑泉，繼曰趙泉。至真西山先生始易今名。銘諸石。

曹青九華山

浮生江路水茫茫，彭澤原非今故鄉。為訪子明尋土洞也。  
因太白宿雲房，詩摩古壁搜遺韻。并煉丹砂辦舊方，從此  
欲歸情復結。擬移亭舍築山傍。

柯敬之李白書堂

久欲華山訪謫仙，謫仙書舍尚依然。青松翠柏疑無路，流  
水高山別有天。千尺浮雲飛碧漢，一聲啼鳥破蒼煙。扶筇



直上中峰頂一看千山在眼前

高子洪龍池山之絕頂崖立四壁自五龍池合流為千尺泉傾注池中如龍噴沫沾溉民田

萬頃

九朵芙蓉天琢開烟霞靜處翠成堆鹿銜花向林邊過龍帶雲從樹杪來最愛山中閒日月如遊海上小蓬萊倏然自覺清風爽直欲臨風到上台

江景春費拾遺書堂

投閒深感聖君恩放浪華山酒滿樽高下數峰撐日月東

南一柱壯乾坤鴈拖秋色迷魚浦鴉背斜陽過洞門偶聽山中風水響恐疑仙樂和朝壇

集元

文宗皇帝道中望九華

昔年曾見九華圖為問江南有也無今日五溪橋上望畫師猶自欠工夫

史 午雨霽望五老峰青陽令

天柱後高出二峯旁立二峯江上東西百里皆望見



去時急雨千峰來雲鎖九華頑不開失却五老<sup>峰</sup>徘徊但  
聞隱隱轟鳴雷回時山靈報消息逐雨驅雲放山出五老  
亭<sub>一</sub>俱拱立疑自匡廬挽來得餘峰錯峙分界尊若父命  
子公領孫可但衡山能開雲此山亦有神異存

撫都刺過五溪橋

萬壑泉聲瀉碧漪小涼天氣過溪時相逢橋上無非客行  
盡江南都是詩苦雨最嫌鳩喚急看山不厭馬行遲何當  
高上華峰頂涼月蕭蕭生桂枝

題雲松堂二首

堂在青陽懸治正廳之後元翁景祥有記畧曰  
至順三年壬申春邑民掘地得石有篆刻雲松  
二大字乃昔人取太白語以名此室  
也邑長因命辨置堂後以復榮觀云

九老排雲獨擅尊衆山拱戴似兒孫石房仙去神光現洞  
府龍歸雨氣昏上古幾年埋地軸至今尤柱挿天根何時  
身在層峰頂手把丹書扣帝閣

縣門遙挹九華山日<sub>一</sub>天開圖畫看雲氣晚連銅篆濕翠  
光晴鎖硯池寒人間官府紅塵馬天上神仙白露盤高卧



雲松定何日仰攀北斗倚闌干

集明

胡纘宗九華偶成

江南多名山還第一此山下覽羣山低瑰奇無與匹阜于

鍾山長峰與黃山密金焦盡兒孫匡廬非甲乙千嶂雲翻

萬壑風凜凜奇鳥不知名異花末由詰錯簡石鄰縣

泉草泌春半尚餘霜夜中先見日步踏巉巖層對

岸律遊者過白頭偏覽恐難必九十九峰餘奇峰仍秩

有山可名狀此山難具悉柳仰如凌衆星俯如伏羣卒緩如

百獸蹲急如千馬逸遠如鵬搏空近如燕依室髡如羽人

冠銳如文士筆平如溟渤恬險如蛟龍軼大如鼇擊夫小

如猿抱膝放如江上花飲如池中寶親如鸚序隨疎如鴈

行失朝如丈人美如嬌春如俠碧如蓮萬叢翠如羽千仞

陰如錦忽藏晴如髻初櫛畫工應失真野人不能噴誰起

司馬遷一一為之述

邱兆麟謁太白祠兆麟字瓊山



晨起望九華九華色深碧勢若撼匡廬氣欲蒸夢澤閃鑠  
仙靈居黝閣龍蛇宅晴空淨如微尖明開繹々綽約九芙蓉  
相看不可翻摘詩捫雲出夏峰轉眼變青赤我有新吳鉤高  
天如可割捫蘿一從之長漢只咫尺搔首瞰中洲中洲一  
卷石溟濛杳靄間烟霧恣浮拍碧澗紅泉飛丹崖青嵐積  
山中六月寒蒼翠拂巾幘自有宇宙宙時此山便開闢由來  
登此者湮沒已千百年久碑碣荒但聞李太白骨骸付煙  
雲千古似詞客

上九華山中桑田萬畝其菩薩人呼地藏王

白雲裏面石人中央說其中是上方山有桑田渾擬俗  
佛無國土亦稱王

王守仁九華雜言

長風掃浮雲天開翠萬重玉鈎挂新月露出青芙蓉  
靜夜聞淋雨山靈似欲留只愁梯石滑不得到峰頭  
拔地千峰起芙蓉挿曉寒當時看不足今日復來看  
遊興殊未盡塵緣不可留山青只依舊白盡世間頭



遊化城寺 誌載化城寺峯岫環匝泉壑紫迴中則寬平曠衍類天竺之鷲峰寺

化成天上寺石磴八星躔雲外開丹井峰頭種石田月明

猿聽偈風靜鶴參禪今日揩雙眼幽懷二十年

蓮花峰 石蓋峯東南聳立衆山中

靈峰九十九此峰應最高巖樓半夜日地隱九江濤天礙

烏紗帽霞生紫綺袍翩一雲外侶吾亦爾同曹

太白書堂

舊志云李翰林幕天席地人也其玩世似東方朔傲物似孔文舉蓋放蕩不羈之尤者也東坡

愛其眼高四海且謂太白能識子儀為宗臣豈不知永王璘之非真主每欲深而雪之蘇李蓋蓮邱之思會故友韋仲堪宰是邑乃卜居焉介乎龍女泉之側南渡以來掩為民邱宋嘉祐初邑令蔡元龍訪求遺跡創書堂于九華山麓化城寺東偏九華得名自李翰林始

千古人豪去空山尚有期竹流荒舊徑蘚合失殘碑雲雨

羅文藻溪泉繫夢思老僧殊未解猶是索題詩

謫仙棲隱地千載尚高風雲散九峰雨巖飛百丈虹寺僧

傳舊事詞客弔遺蹤回首蒼茫外青山感慨中



江上望九華

當年一<sup>上</sup>化城峰十日高眠雷雨  
中霽色晚開千嶂雪濤聲夜渡  
九江風此時隔水看圖書幾歲  
緣雲住<sup>住</sup>桂叢却負洞仙蓬海約  
玉函丹訣在崆峒

宿化城寺

雲裏軒牕半上鉤望中千里見  
江流高林日出三更曉幽谷風多  
六月秋仙骨自憐何日化塵緣翻  
覺此生浮夜深忽起蓬萊興飛上  
青天十二樓

化城高住萬山深樓閣憑空上  
界侵天外清秋度明月人間淋雨  
結浮陰鉢龍降處雲生座巖虎歸  
時風滿林最愛山僧能好事夜堂  
燈火伴孤吟

重遊九華

山寺重過十八秋舊僧零落老  
比丘簷松盡長青冥軒瀑水猶懸  
翠壁流人住層崖嫌洞淺鳥鳴春  
澗覺山幽年來頗得尋閒意不是  
當年孟浪遊

舊識仙源路未差也從谷口問  
桃花曾攀絕棧經殘雪幾



度春溪踏月華虎穴相隣多夢境鳥飛不到有僧家頻來  
不下山翁榻只借峰頭一片霞

愛山日望山晴及到山中眼自明鳥道漸非前度險龍  
潭還此舊時清會心人遠空遺洞識面僧來不記名莫謂  
中丞喜忘世途風浪苦難行

九華道中

微雨山路滑行人入輕舟桃花夾岸迷遠近迴巒疊嶂盤  
深幽奇峰應接勞回首瞻之在前忽在後下道舟行轉屈

曲但怪青山亦奔走薄午雨霽雲亦開青鞵布襪無塵埃  
梅溪柳徑度邨落長松白石穿雲隈始攀風磴出木杪更  
俯懸崖聽瀑雷亂山高頂藏平野茆屋高低自成社此中  
那得有人家恐是當年避秦者西巖日色漸欲下且向前  
林秣吾馬世途濁隘不可居吾將此地營營營營若

弘治壬戌嘗遊九華時值陰露竟無所睹至是  
正德庚辰復往遊之風日清朗盡得其勝

喜而作歌



昔年十日九華住雲霧終旬竟不開有如昏夜之寶藏兩  
目無睹成空回每逢好事談奇兵革勝即思策蹇還一來頻年  
驅逐事兵革出入賊壘衝風埃恐一晝夜不遑息豈復山  
水能徘徊鄱陽一戰偶然捷遠隨歸凱停江隈是時軍門  
頗多暇况復我馬方墮頽舊遊諸生亦羣集速攜童冠登  
崔嵬先晨霏霧尚暝晦却疑山意猶嫌猜肩輿一入青陽  
境忽然白日開西嶺長風擁箬箬掃浮雲九十九峰如夢醒  
羣巒踴躍爭獻奇兒孫俯伏摩其頂今來始識九華面恨

無詩筆為傳影層樓疊閣寫來工千朵芙蓉抽玉井恠哉  
造化亦安排天下奇山此兼併攬衣登高望八荒雙闕下  
見日月光長江如帶繞山足五湖七澤皆陂塘蓬瀛海上  
浮拳石舉足可到虹為梁仙人為我啟閭闔鸞駟駕紛  
翱翔從茲脫屣謝塵世飄然拂袂凌蒼蒼

登雲峰望始盡九華之勝因復作歌

雲峯在五老峯西南  
晴雨不絕雲故名

九華之峰九十九此語相傳俗人口俗人眼淺見皮膚焉



測其中之所有我登華頂掃雲霧極目奇峰那有數巨壑  
 中盤萬玉林大劍長鎗攢武庫有如智者深韞藏復如淑  
 女避讒妬憐然避世不求知早已尊人羞逞露何人不道  
 九華奇中之奇人不知我欲窮搜盡拈出秘藏恐是天  
 所私旋解詩囊漸收拾脫穎露出錐參差從來題詩李白  
 好却於此中亦潦草曾見玉維畫輞川安得渠來拂纖縞  
 玩華亭有僧來迎且請詩

方自華峰下何勞更望華山僧援故事邀我致渠家自謂

遊方盡那知望轉嘉正如酣酒後醒酒却須茶

李之世寶子明釣臺 長度郡推

龍游澗下有池名嘉魚其臺又名  
祈雨峻壁四合山東第一奇觀

垂釣深潭萬古情一官應比竹竿輕  
 高人往矣臺空在九  
 十九峰孤月明

李 裴登九華 直隸進士池守

白日深山卧靈巖大士家有泉皆玉液無地不金沙伐鼓  
 龍堂濕板松仙路餘大江望不盡搖筆弄煙霞



何思登登五溪望九華蒲圻進士郎守

忻對仙山勝雲封路欲迷靈宮綠地藏峭壁與天齊野景  
浮青濶他山人望低行春渾汗漫無句可標題

鍾 惺遊九華值陰惺字伯敬

到悔三冬晚緣繞二日怪客能饒遠目天未破愁顏雲鎖  
將危石煙縫欲斷山歲除花落遍羨爾惜春聞惜春九華山鳥名

望晴如望歲曾不見殘暉嵐久山容病煙濃岫影肥弟兄  
峰遜避子母石因依好秉仙人燭來尋織女機仙人燭九華山木名

織女機石名

柯 暹李太白書堂

謫仙讀書處塵世少人知路盡天疑近巖深月到遲殘碑  
當自續新塔共誰移老去空懷古巢雲未有期

徐時泰遊九華山

結契驅名勝攀登快大觀列屏青未了抽筍翠多端天與  
蓮花秀人從鳥道看懸流翻日彩恠石聳星盤一樹具絮裝  
地千秋膜拜壇神光常護塔紫氣欲飛丹戶迥但為伺糧



休霞可餐偏於樵路險不必蕊蕩安虎洞陰風峭龍漱暑  
月寒雲低時戀頂松老故敲蟠竹露香來細茗煙鳥帶殘  
自然無俗駕惟有羨空翰供奉名逾重仙真蹟不刊按圖  
殊草一何日遍巔坑

解 縉望九華

日一南風送客舟舒州安慶繞過又池州九華雲捲芙蓉  
帳挂在青天白玉鈎

張廷瑞登九華舉人歷御史貴池人

昨夜山靈邀我來白雲深處有樓臺千年松果迎風響十  
丈蓮花近日開

湯賓尹重至九華

曾向山堂作主人而今遊屐又重新山一著意意來來供奉齊  
辦雲烟和米薪

擬將白石煮清泉夜一雲峰落枕邊十六年來舊時道熟  
雲熟雨飽周旋

萬瓦如鱗繡碧空僧寮客舍盛西東獨遺佛殿灰堆裏時化



城殿災記取菩提一却中

詩如太白遺仙蛻學到陽明結聖胎慙負無能班二子詩  
書堂裏又重來

吳光錫天臺峰

字少友青陽人光裕弟好遊晚脩九華全集

亂峰高嶺挿巖堯都在天臺西半腰到此已分膚與骨遊

人莫信下方招

天台峰在東岩之東南九峰最高處也

孤稜薄脊曰華巔天地山河盡目前豈學稚川葛洪還動

脚便須於此乞安禪

聶茂先登九華

東風遙引三吳客春日來遊九子峰路曲欲隨飛鳥上雲

深猶喜化人逢山留李白當年詠樹老新羅國裏松九華山有

五釵松每枝五股蕊其實可食其文理綜纈如羅縠相傳昔地藏自西域來攜種今塔寺前有之其尤異者每一株枯則旁透一株王事不妨清眺畢馬蹄歸去得從容

九華卽事留別

雪後登臨眼倍明驚看飛錫下山迎叢林舊隱僧為佛勝  
地今餘石作城無數好峰拱立有時靈鳥自相鳴神松



畫落風前子仙茗春生雨後萌幽草長隨人意綠閒雲不  
礙馬蹄輕攀崖上禮新羅塔剪棘幽尋太白銘石鉢喜餐  
黃粒飯木盂更薦碧芹羹也知物外纖塵淨應較人間百  
慮清老我豈能忘袖報一官初識被恩榮正勤國事勞終  
日敢扣禪宗了此生綠酒來從陶令灑白頭還就遠公盟  
他時蓬<sup>暮</sup>來相即為借龍湫一濯纓

吳應賓別九華山

踏碎蓮花路不迷出門長嘯楚天低青山送客忘三笑綠

樹隨人過五溪洞裏烟霞晴自散雲邊鐘鼓鳥空啼殷勤

更上層臺望惟底羣峰似掌齊三笑九華亭名

鄒元標登九華山歌

扁舟昨日過匡廬沐浴焚香謁五老今朝乘興上青陽九  
華蒼色更好歷星辰皆可摘迨直上青天道青蓮  
居士何太奇江上看山便題詩冒蟠珠璣何磊落於今巖  
壑光陸離新建生平真好遊西江重來十八秋心印只今  
誰具領乾坤俯仰空悠悠空悠悠淚雙流識得一真萬事



休悟來只在剎那間  
山僧含笑虎溪頭  
石火光陰轉瞬過  
文章道德莫蹉跎  
古今不少奇遊者  
幾人山色共嵯峨

陽明先生祠

按弘治壬戌陽明以恤刑至池遊九華正德間獻俘江上携諸生江學會柯喬施中道搜九華之秘嘗晏生東岩作詩曰淳氣日凋薄鄒魯亡真承各勉希聖志毋為塵所縈因欲建書屋以資諸生藏修而未果也嘉靖邑令祝增成其志顏正堂曰勉志亭曰仰止為陽明書院後令蘓萬民改為祠有司以春秋仲丁日祭焉

元化曾將赤手扶  
名賢高榜映震區  
先朝勲業誰能並  
此

地宮墻半欲蕪簷  
際閒雲蛛結網  
松梢明月鶴呼雛  
巖前空對蘋蘩色  
幾向庭堦薦束芻

沈懋功泊清溪望九華

片帆乍轉江之許  
地湧浮圖近秋浦  
蓉城笑兀障江南  
勢若騰驤龍躍舞  
拂艦煙雲無定形  
嵯峨列嶽從今古  
安得金丹鑄此身  
結廬天畔長為主  
青蓮高士不可蹤  
牛馬風塵已負儂  
千古豪鷹笑我不  
堪回首白雲封

方儀鳳春遊九華  
貴池武狀元官南路副總兵致仕歸著翰畧全書子進士終兵



靈斧何年劈九子懸崖削玉石生齒中有飛錫靄雲六月  
 月晴空細剪水我之懷矣謫仙人謫仙斗酒腕驅神筆花  
 疑化山頭萼九寸九峰都是春春行仄徑半迷苔飛瀑空  
 中隱<sup>隱</sup>若雷雪花噴薄天河落萬壑層陰畫不開莫道看山  
 山未遍離奇透伏還千變石丈朝乘太乙船煙鬟暮擁芙  
 蓉面赤水方壺襟帶間峨眉二酉誰猶擅千仞翩一更振  
 衣濟勝寧教推許掾

王守仁九華賦併序

序曰九華為江南奇特之最而史記所錄獨無  
 其名蓋馬遷足跡之所未至耳不然當列諸天  
 台四明之上而乃畧而不書耶壬戌正旦予觀  
 九華盡得其勝已而有所感遇於是援筆而賦  
 之

循長江而南下指青陽以幽討啟鴻蒙之神秀發九華之  
 天巧非效靈於坤軸孰構奇於玄造遷史缺而弗錄豈足  
 跡之未到白詩鄙夫九子實茲名之所肇予將窮祕密于  
 崔嵬極玄搜而歷考涉五溪而徑入宿無相<sup>寺</sup>之窈窕訪  
 王生<sup>季</sup>于遠谷<sup>岩</sup>陶金沙<sup>泉</sup>之清潦凌風雨于半霄<sup>名</sup>登



望江亭名而遠眺步千仞之蒼壁俯龍池於深宵名謫仙之

遺跡躋化城名之縹緲飲缺名之朝露見蓮花名之孤

標扣雲門名而望天柱名列仙名舞于晴昊儼雙椒之闕

門直名駕雲而獨躋翠蓋名平臨乎石照名九子名峰頂可

綺霞掩映乎天姥二仙名升于翠微名九子名鄰于積

稻名炎熇起于玉甑名之石碑名之華蕩回澄秋於枕月

名建少微名之星桃覆甌名承滴露名之餘瀝展旗名立

雲外名之旗纛下安禪名度嘗住而步逍遙名覽雙泉於柯

杪踰西洪名而憇黃石名懸萬丈名之灝灝瀨流觸名而

縈紆遺石船名于澗道呼白鶴名于雲峰釣嘉魚名明釣處

於龍沼倚透碧名之峴岵謝塵寰之紛擾攀齊雲名之巉

峭鑑琉璃名之浩漭沿東陽名而西歷殮九節之蒲草樵

人導余以冥探排碧雲名之瑤島羣巒翳其繆靄失陰陽

之昏曉垂七布名而分之沉沉靈龜名隱而復能履高僧名

而屨招賢名開白日之杲杲試胡茗於春陽名汲垂雲之

澗之淵漱凌繡壁而據石屋何文殊名螺髻名之蟠糾



梯拱辰名峯而北盼盼隨遺光於拾寶岩名在圓寂寺西南緇裳迓於黃袍黃袍

城仙人塘側可眺長江休圓寂之幽悄鳥呼春於叢篁和雲韶即聲音鳥

名雲韶之鷺鷥喚起鳥名春曉連呼起字促余之晨興落星河於簷

椽護山嘎其驚飛恠遊人之太早攬卉木之如濯被晨暉

而爭姣靜鏡聲之剝啄幽人劇參巖於冥杳碧鷄鳴聲甚清歲翼

二雛羽翮成則舊者去噦於青林鵬翻雲而失皓隱搗藥鳥名啼曰

於穆蘿挾提壺餅焦二鳥而翔繞鳳凰承孟冠山鳳凰冠如孟以

相遺飲沆瀣之仙醪羞竹實以嬉翔集梧枝之嫋嫋嵐欲

雨而霏霏鳴濕濕鳥名鳴於蔓蔕躡三遊洞名有三曲而轉青

峭青峭灣在天香嶺南拂天香於茫渺席泓潭以濯纓潭名浮桃澗名趙

微瀉而揚縞溪名淅淅水而絡蔭飲猿猿潭名猿之健狡晚

斧柯名嶺而昇大還嶺名微煉丹所望會仙知微於雲表憫

子京之故宅在雲外峯下子京疑知微之碧桃岩名知微

于中峯花皆碧色金光洞名中有穴常放之閃映睫異景於穹坳

弄立珠於赤水龍池下有弄珠潭昔有人夜舞千尺泉名

潛蛟並花塘澗名而峻極散香林峯名多之迴飈撫浮屠之



采兀泛五釵五釵松每枝五花五之翠濤襲珍芳於絕巘

裊金步之搖搖金步搖花名草本蔓莎羅花名木本苞似

躑躅杜鵑花之別名芬敷而燦耀幢玉女木名生絕壁高

列之妖嬌草名產石壁長三尺許勁於靈竇隨鉢

囊花生葉上葉細而長城地藏之飄飄開仙掌木名葉大如

愛又山憇于木下花落鉢中故名於欽欽散清馨之迢迢披白雲而蹠崇壽唐所

參錯之僧寮日既夕而山暝挂星辰於窿窳宿南臺龍泉

昔地藏禪息處之明月虎夜嘯而熊咆鹿麋羣遊於左右若將侶

幽人之岑寥迴高寒之無寐聞冰壑之洞簫溪女厲晴瀧

而瀑木雜精苓之春苗邀予觴以玉液飯玉粒之瓊瑤溢

辭余而遠去颯霞裾之飄飄復中峰九華之而悵望或仙

蹤之可招乃下見陵陽之蜿蜒忽有感於子明之宿要逝

予將遺世而獨立採石芝石耳也陽崖於層霄雖長處於

窮僻迺永離乎塵囂彼蒼黎之緝緝固吾生之同胞苟顛

連之能濟吾豈靳於一毛矧狂寇之越獺王師局而奔勞

吾寧不欲請長纓於闕下快平生之鬱陶顧力微而任重



慎懼覆敗於或遭又出位以圖遠將無謂乎鶴鶴嗟有生  
之迫隘等滅沒於風泡亦富貴其奚為猶榮華之一朝曠  
百世而興感蔽雄傑于蓬蒿吾誠不能同草木而腐朽又  
何避乎羣喙之啾啾已矣乎吾其鞭風霆而綺日月被九  
霞之翠袍搏鵬翼于北溟釣三山之巨鰲鼇道崑崙而息  
駕聽王母之雲璈呼浮邱于子晉招句曲之三茅長遨遊  
于碧落共太虛而逍遙亂曰蓬壺之藐藐兮列仙之所逃  
兮九華之矯矯兮吾將于此巢兮匪塵心之足攬兮念鞠  
育之劬勞兮苟初心之可紹兮永矢弗撓兮

本朝

宗觀太白祠

空山吹杜蘭香與紅泉滙緬彼謫仙人書堂垂曠代端明  
亦有言白眼高四海順逆智豈昏遺會磷淄改爰稽新唐  
書天寶分藩在懿親急蒙塵從師詎云罪以此謝紛紛一  
洗遺俗異弔古憇東巖鬱盤何硤磊林樹多虎熊悲風嘯  
山鬼欲往溪無梁世遠英名倍綠水吐蓮花想像餘文采



逸才不再得爭殺，毋庸悔願附玄鶴。翼招子翔雲，解

### 九華山

峰頭換目轉徘徊，平野人耕麥壟開。有佛西來惟地藏，引  
人江上是天台。山凌姑宛攢千笏，海繞蓬萊瀉一杯。石激  
泉衝飛瀑布，臨深聽作下方雷。

吳襄東巖有感

化城寺東巖石崿岍深入如屋  
地藏棲此下白蟻穴土如甍甍糧

松石闢嶙峋，奇山逢故人。往來天際路，吟嘯夢中身。三月  
雪猶凍一巖花，不春泉聲雲外落。洗盡十年塵。

甯

峒宿拾寶山

青陽人著  
月筆史

草菴懸竹榻，夜氣冷於斯。雲讓峰開面，僧隨客展眉。孤猿  
啼不絕，巘叢菊綻疎。籬幾日遊難，竟燈前共課詩。

徐石麒望九華

勝拔千山儁，名因太白傳。連空來秀色，接地倒蒼煙。嶺碧  
搖江練，峰寒湧石蓮。何時蕉夢醒，日晏此高眠。

施閏章九華山中寄顏太守敏

池州

人因訪舊來秋浦，天遣尋幽入九華。迴合松杉清磬遠，峻



增宮闕白雲斜吞江西嶺橫飛練射日東巖倒作霞遙憶  
使君驕五馬何時乘興問山家

吳光裕天臺峰

光裕字廣生青陽人著作甚富

九華最高天臺峰峰々如挂青茆龍雲氣蒼茫蔽朝暮真  
宰出入陰重重我生其下三十載夢寐趨之毛髮改前年  
結束約躋攀塵勞阻隔仍相待此日攜朋一往游長天恰  
值秋風秋徑草離離半枯死木橋倒挂沿溪流一里三休  
不得達左拽丹梯右援葛巨石斜飛當路橫手趾錯接兩

斃斃仰面上視青天低頰身下瞰紅塵迷渺渺汪洋一衣  
帶林巒萬籟何淒淒我欲狂歌問天帝數聲清嘯烟霞契  
蒼松偃偃舞亂鬚青黛濛濛點螺髻屏風疊嶂陰晴殊大  
峰出雲小峰翳努力直上中頂看飄飄自絕閣浮世峰頭  
老僧向我揖破衲無緣戴臺笠溪毛作羹相共餐石泉煮  
茗茗手自汲人間那得似僧閒趺坐悠悠日閉關清磬名  
香修竹裏勸君且住不須還

姜可久九華太白書堂

可久貴池庠生



池南有山拔地起嶙峋千丈號九子太史南遊畧不書名  
 賢歷代缺標紀雲松祇共猿鳥啼洞壑祕作仙臺靈甌青  
 蓮訪道自崆峒一見驚奇詫不已錫以嘉名曰九華岱嶽  
 齊聲自此始天河秀出九芙蓉江上匡廬差媲美俎豆千  
 秋應豐聖落落數椽何蕭索探奇誰問謫仙人奔呼但知  
 抱佛脚雲霄俯視舉國狂應知不滿一大笑噓更憶嗣有  
 劉夢得評隲名山無遺識荆山女几外無秀除却太華少  
 奇特忽經此地睹嵯峨始悼前言多失實大惟造化鑄靈<sup>奇</sup>  
 尤物如斯何劣削賞激先後有同心山靈從茲增拂拭我  
 欲追奉連州君配享青蓮先生之左側薦以蘋藻間烟嵐  
 庶幾名山大賢兩生色

錢之選九華菴名串合詩之選字文青青陽人  
有詩名交遊甚衆

高登九子勢巍巍選佛寧誇鉢佛稀秀水圓通杯渡古樂  
 山華藏石芝肥烟環翠竹慈雲合塔拱金身大夏依定慧  
 似忘東勝槩雨花紛集寶林衣

綠雲團結白雲翔說法雲中詎渺茫永慶吉祥沾雨露大



觀水陸達梯杭九蓮開共目蓮秀萬竹森如紫竹長天竺  
東華多福聚天池花散滿天香

九龍蟠處聚龍精劍倚芙蓉列化城通慧一心奉大定傳  
燈三昧證長生歸雲古樹菩提老普濟旃檀寶積盈六度  
轉輪能正受鳳林鹿野萬松聲

雲居雲端慶雲多報國從心禮佛陀萬壽自應凝萬福遲  
羅原亦號新羅祇園無上華嚴會景命天然極樂歌咒誦  
準提千拂擁由來海渡不揚波

胡承祝九華山雲海賦

靈山瑰異精氣蒼茫非烟非霧平壑平岡儼汪洋之在目  
接混茫其無方變隸兮浮天無岸彷彿兮沃日沉光若乃  
蓄山臍穿石罅任陰晴無冬夏或捲浪於風晨或揚波于  
雪夜向空濶兮渡雁仍留涵清虛兮浴鳧難下排遠樹而  
帆影驚看浮斷山而朝頭誤射當其蕩蕩湯湯潏潏浩浩  
遠浸天根高截木杪鄙石潭如潢汗等龍池于行潦激而  
行之可使在山環而游之以石為島則見蕩漾郊垌迷漫



邛野忽如怒濤洶洶勢駕邱山忽如細浪鱗鱗光射搖湘  
 浦繫石船今疑八月之仙槎指天臺今訝三神之孤嶼爾  
 乃上不在天下不在地如鏡之澄如鼎之沸如嵐之平如  
 霞之蔚變幻今如興雲雨於巫陽離奇今如結樓臺於蜃  
 氣其為狀也離合無跡行止難憑倏爾下降忽焉上升載  
 山色以輕蕩與烟光而齊凝立而聽之何濤聲之不作俯  
 而矚焉覺爽氣之常凌以彼勢吞白嶽氣混青冥平原似  
 渚大地如萍月隨波而沒影鳥隨鏡而無形吾恐出使張

騫幾難窮原而竟委乘桴魯叟空教測畧而占星然而去  
 來莫必出沒無因忽歸雲之斂岫覺東海之揚塵訝滄桑  
 之叠變悟海市之非真斯時也不見濁浪排空覆乾坤而  
 浸日月但見羣峰列秀挿雲而拱星辰

讀九華志憶舊遊

董永攀

曾憶天臺著屐來題詩石磴拂蒼苔今朝細讀華峰記吟  
 得神倉一米芽

曩館華西錢氏山房偕遊

九華有天台記遊詩刻



池陽名勝述古類編卷二

五松

五松 徐家達

秋浦 董永攀

述編

同門

參

銅陵彙考

五松山志

五松山在銅陵縣南四里輿地記勝山有松一本五枝蒼  
鱗老幹喬翠参天故名唐李白來遊樂其山水之勝建書

堂於此 後人建太白祠

集唐

李白五松山

我愛銅官樂千年未擬還要須回舞袖拂盡五松山

宿五松山下荀媪家

我宿五松山寂寥無所歡田家秋作苦鄰女夜春寒  
跪進雕胡飯月光明素盤令人慚漂母三謝不能食

五松山別荀七



軒昂穎水荀何慚許郡賓相逢太史奏應是聚賢人玉隱  
且在石蘭梧枯還見春俄成萬里別立德貴清真

與常贊府遊五松山贊府諱建

安石泛溟渤獨嘯長風還逸韻動海上高情出人間靈異  
可並跡淡然與世閒我來五松下置酒窮躋攀徵古絕遺  
老因名五松山五松何清幽勝景美沃洲蕭颯鳴洞壑終  
年風雨秋響入百泉去聽如三峽流剪竹掃天花且從傲  
吏遊龍堂若可憇自注銅井西五吾欲歸精修

遊五松山贈常贊府南陵

為草當作蘭為木當作松蘭幽香風遠松寒不改容松蘭  
相因依蕭艾徒丰茸鷄與鷄並食鸞與鸞同枝揀珠去珠  
礫但有珠相隨遠客投名賢真堪寫懷抱若惜方寸心待  
誰可傾倒虞卿棄趙相便與魏齊行海上五百人同日死  
田橫當時不好賢豈傳千古名願君同心人於我少留情  
寂寂還寂寂出門迷所適長鋏歸來乎秋風思來客

五松山送殷淑



秀色發江左風流奈若何  
仲文了不還獨立揚清波  
載酒五松山頽然白雲歌  
中天度落月萬里遙相過  
撫酒惜此月流光畏蹉跎  
明日別離者去連峯鬱嵯峨

答杜秀才五松見贈

昔獻長楊賦天開雲雨歡  
待詔承明裡皆道揚雄才可觀  
敕賜飛龍三天馬黃金絡頭白玉鞍  
浮雲蔽日去不返總為秋風催紫蘭  
角巾東出商山道採秀行歌咏芝草路逢  
園綺笑向人兩君解來一何好聞道金陵龍虎盤  
還同謝

眺望長安千峯夾水向秋浦  
五松名山當夏寒銅井炎鑪歎九天  
赫如鑄鼎荆山前陶公矍鑠呵赤電  
回祿睢盱揚紫烟此中豈是久留處  
便欲燒丹從列仙愛聽松風且高卧  
颼颼吹盡炎氣過登崖獨立望九洲  
陽春欲奏誰相和聞君往昔遊錦城  
章仇尚書倒屣迎飛牋絡繹奏明王  
天書降問迴恩榮翫麟不能就圭組  
至今空揚高蹈名夫子工文絕世竒  
五松新作天下推吾非謝尚邀彥伯  
異代風流各一時一時相逢樂在今  
袖拂白雲開素琴彈為三峽



流泉音從茲一別武陵去別後桃花春水深

裴休銅官山廟 休宰相裴肅之子

按廟在銅陵縣南銅官山麓舊傳神為晉潯陽太守楊州刺史張寬廟自南齊時建唐中和間陰有助戰功觀察使裴肅奏封保勝侯吳加公爵宋賜廟額昭惠成潔間加爵靈佑王見元學士盧贄記明崇禎末左師兵薄銅城神顯靈異却之知縣鄭允升移廟而惠溪材木浮江自致有司六月十日祭士民亦是日迎神九月初九為燭龍會俱見郡志

潯陽賢太守遺廟古溪邊樹影入流水石門當洞天幡花

凝寶座香案儼爐烟若到千年後重修事宛然 按裴所留題裴快今

猶貯廟內

集宋

梅堯臣銅官山

山在銅陵縣南十里山向產銅唐置銅官于此山麓有靈祐王廟

碧鑛不出土青山鑿不休青山鑿不休坐令鬼神愁

林楠太白五松書院

翰林最愛五松山嘗說千年未擬還而我抗塵良自愧來

遊祇得片時閒



蕩漾清溪兩槳飛  
趨行不及到斜暉  
無人跪進雕胡飯  
只學盧仝啜茗歸

前題 七言律

江風朝暮半晴陰  
紺宇飛甍接翠岑  
手摘匏瓜曾未過  
身從鷗鳥得相尋  
十年舞袖雲崖冷  
幾度桃花春水深  
猶有門前舊詩句  
松風萬壑老龍吟

戴 昂五松太白祠

艤舟來訪寶雲寺  
快上山頭尋五松  
捉月仙人呼不醒  
一

間老屋戰西風

李彌遠五松亭

秋風吹客衣去路倚天逼  
躋攀一何窅正坐愛山癖  
人言五松下曾是瞿曇宅  
至今梧竹陰列屋棲禪寂  
塵纓得暫解俗駕聊可息  
怡顏岩間樹洗耳泉上石  
孤雲共往還窈窕去無跡  
道人桀可留獨步少林席  
客來了不言碧眼照庭柏  
希聲出梵鐘妙意生牆壁  
寒灰暗青燈偶坐遂終夕  
歸來人境空缺月掛山額



張孝章富覽亭 邑令

碧瓦朱甍接翠崖，周圍無地着塵埃。  
山從雲脚斷邊出水，向天根盡處來去。  
蜀征帆輕渺渺，隔淮春樹綠，汨汨偷閒。  
一到塵襟滌坐，見星河落酒杯。

李 綱 江行至銅陵

理權適江干，初欣眼界寬。  
日蒸潮氣白，風約艫聲寒。  
蔣詡謀新徑，鍾儀只舊冠。  
浮雲休蔽日，直北是長安。

春江徹底清沙尾，見潮生朝氣噓成霧。  
南風戰作晴岸移，看樹遠船穩信波平。  
覽盡江山勝，還悲萬古情。

渺渺春江穩融融，午睡腴夢回雙艫急。  
望極片帆孤，皺水風還逆。  
維舟日欲晡，雲間有行雁。  
冉冉下平蕪。

春江望不極，慘淡起層陰。  
烟雨濛濛濕雲濤，渺渺深懷家。  
千里意報國，一生心歎息。  
知音少，空為梁父吟。

銅陵阻風

春色到江渚，梅花上斷魂。  
風波留遠櫂，烟雨濕寒邨。  
雁過傳遺響，潮來沒舊痕。  
淒涼一尊酒，愁絕與誰論。



王十朋銅陵阻風自注五松山李太白讀書處有黃曾直雙墨竹詩今亡矣

兩年官絕塞萬里下瞿塘秋浦浪方息銅陵風又狂五松人憶白雙竹句思黃今夜舟中月中秋何處光

江入銅陵縣舟藏蘆葦間郵亭危壓浦拂屋陋依山月出鳥將繞風高雁欲還江山不貧處一覽見塵寰山有富覽亭

富覽亭

在縣北天王之陽按亭後有護法寺唐杯渡師嘗宿于此

一望之中萬象新銅官寶嶂悉生春風光拚取收囊底官况於今也不貧

王安石胡氏逢原堂

荆公微時與新安汪漸銅陵進士胡舜元築室靈竇泉講學

我愛銅官好君實家其間山水相榮華花卉矜春妍有鳴林間禽有躍池中鮮葉山何嵯峨秀峙東南偏峰巒日在望遠色涵雲邊賓客此鱗集觴飲當留連君家世儒雅子弟清風傳前日闢書堂名之曰逢原有志在古道馳情慕高賢深哉堂名意推此宜勉旃木茂貴培本流長思養源左右無不宜願獻小詩篇

按舜元官著作郎

新法行力詆之



順安臨津驛 今順安鎮即唐義安縣也舊有驛今有順安樓

臨津豔豔花千樹夾徑斜斜柳數行却憶今明池上路紅

裙爭看綠衣郎

靈竇泉 在見靈山麓有泉出兩穴如海眼然即荆公讀書處也

山腰石有千年潤海眼泉無一日乾天下蒼生望霖雨誰

知龍向此中蟠

蘇軾陳公園內二池 池在城外鰲首山麓今失考按郡志元豐中坡公自黃州

抵常熟道過銅官與黃山谷會遊于陳公園

南北山光照綠波濯纓洗耳不須多天空月滿宜登眺看

取青銅兩處磨

春池水暖魚自樂翠嶺竹靜鳥知還莫言疊石小風景捲

簾看畫銅官山

落帆重到古銅官長是江風阻往還要使謫仙回舞袖千

年翠拂五松山

集元

宋元五松山中



樵聲聞遠林流水隔雲深茅屋在何處桃花無路尋身黃  
松上鼠頭白竹間禽應有仙人住避秦來至今

貢 奎銅官山

遙遙銅官山逆水去千里山瘦木落衣水涸石見底棹此  
一葉舟觀山復觀水得山可棲身得水可洗耳中有千載  
松根深茯苓美獨鶴巢空枝歲晚知所止愧我驅塵跡去  
去獨未已長歌呼謫仙回首白雲起

房芝蘭題順安樓 芝蘭進士

窗含野色入平吞極目漁樵江上邨流出異香花堰水 堰花

泉在杏山之麓 放開老翠葉山雲 葉山唐葉真人法善修煉處 竹邊僧寺鷗沙

遠 柳外人家驛路分掛月參天蟠地脉門前雙樹幾斜曛

梵天寺前 泉縣南四十里天門山下有晉天福中建寺宋嘉祐間賜額

雲根流出瀉寒聲冷沁禪關竹樹清氣泄化胎飛寶錫岩  
開冰谷愧塵纓鶴林月朗秋常浸龍海波濤夜忽驚分我  
一瓢甦早歲化為霖雨澤蒼生

集明



余敬中江上望五松

江上望五松松陰鬱偃蓋鐵幹蟠蒼蚪日月常掩暎靈根  
何處來疑是天帝賚中有神物護斧斤能遠害夜靜山月  
懸笙竽發天籟回焱倏颼颼飛濤驚野外挿撫巢鶴點  
綴開圖繪輪囷庇下土雲鎖甘澍沛詎襲羸氏封功施尤  
為大謫仙舞袖迴長嘯憑酒酌坡老落征帆拂翠臨青瀨  
勝跡遊雖陳瑤篇傳炙膾余昔策欵段班荆髯翁會綠雪  
灑川原青靄滴襟帶堅貞締金石樸遼薄蕭艾別爾十餘  
稔今得旋塵旆不改歲寒姿憐余情靄<sup>靄</sup>茲多病身聲華  
頗自剝願言餐絲苓長生胥此賴

湯顯祖銅陵

夕向燕支夾縣西北六十里遙分白馬耆滄浪荷葉洲名點春色鳳  
心知鳳心河閩名邑小無城郭人歡有歲時誰憐江上影懸弄  
五枝松

曹學佺銅陵

杏葉山崩堰梅根渚少烟為魚從古歎置治迺今傳大小



牛欄突東西鵲岸連五松山下媪能醉李青蓮

紀伯明泊大通港

夜泊大通港迢迢數驛程江流山欲動潮長月初生亂磧

飛鴻影虛簷驚柝聲此時雙闕下兒女話燈明

李續清涼寺寺在獅子山唐南泉普願師創

偶到清涼寺山幽景自奇峰高天易合樹密月升遲老柏

栖鳥慣寒僧接客稀半空懸石塔坐對語忘機

吳與弼十里長山弼字子傳崇仁人徵君

即鵲頭山縣北與江之西岸鵲尾渚對江中則鵲洲也春秋時鵲岸六朝置鵲頭戍

羣岡聯絡接銅陵何代流傳十里名隔岸翠屏相應好片

帆歸詠正秋清

李宗洵宿丁家洲縣東北十五里即古鵲洲也宋史

元兵于丁家洲德祐元年姜才以兵屬孫虎臣拒章阿合馬等擊孫虎臣于丁家洲宋師潰順帝至正十二年卜顏鉄木兒與徐壽輝戰于丁家洲敗之遂復銅陵禽其賊師復池洲

三朝烟雨兩朝風夜泊蘆花小港中似案遠山渾礙月如

船高浪欲平空霜侵楊柳蕭疎綠水暗芙蓉寂寞紅人倚



蓬窗秋滿眼酒懷詩興兩爭雄

大通江上

雙槳衝搖下大通隔林烟火隔溪鐘笙簧鳥雀清還濁水  
墨江山淡更濃沽酒有邛垂柳鎖採樵無路落花封胸中  
不用吞雲夢一覽烟波幾萬重

王守仁泊舟大通

扁舟經月住林隈謝得黃鶯日日來兼有清泉堪洗耳更  
多修竹且啣杯諸生涉水攜詩卷童子和雲掃石苔獨奈

華峰隔烟霧時勞策杖上崔嵬

過銅陵觀鐵船

五松山前湖田之下。按郡志  
晉潯陽太守張寬歿為神。夏  
乘鉄船至銅陵首尾船形現露今立廟銅官山  
麓祀之屢顯神異

青山滾滾如奔濤鐵船何處來停橈人間剝木寧有此疑  
是仙人之所操仙人一去幾千年山頭日日長風號船頭  
出土尚髣髴後岡有石云船稍我行過此徒村度昔人用  
心無已切從來風波平地惡縱有鉄船還未牢秦鞭驅之  
不能動暴力何以施其篙我欲乘之訪蓬島雷師鼓柁虹



為縲弱流萬里不勝芥復恐駕此成徒勞世路難行每如  
此獨立斜陽首重搔

翁金堂舟中望石龍磯翁錢塘進士為邑令

磯在縣西北二里明令崔維律建滄浪亭于上按  
宋周益公曰矾下有洞淺局無足觀旁有瑪瑙石

北海神人何有叟手持玉策驅蚪走乘颺駕電指南來越  
國經都日八九江適遇天王氏邀之共飲五松酒神人人  
不顧走自如疾呼勿應但揮手天王大怒叫帝閻帝命銅  
官往馴採神人聞之棄蚪去飛入白雲拂双袖銅官大夫

召地丁鎖蚪金繩如玉紐長蚪欲去去不得昂藏宛轉惟  
驥首月明照見甲參差風動時聞大聲吼鱗間的歷滿金  
沙萬斛鮫珠常噴口玉爪爬開亂石堆蒼烟披拂長堤柳  
磊塊還堪鎮地閑魁竒端足雄江右我來擊節過其前凝  
眺徘徊成坐久醉後清狂發浩歌為爾留題傳不朽墨花  
零落映空潭安得筆鋒大如帚

盧 煥宿真如寺

盧提學御史○寺在鐘鳴耆宋開  
寶元年建嘉祐八年賜額

寒雨籠陰結瞑顏暫投車馬宿僧閑蠹魚歲久殘經亂燈



火堂前繡佛閒繞舍秋聲風滿樹隔窗簷滴水流灣素衾  
一榻初酣靜清夢絲絲越萬山

楊泰銅陵十景楊教諭分列邑有八景董應揚復增二景

### 天王富覽

劇愛天王景色嘉憑高拭眼見天涯水聲東注從三峽山  
勢南來自九華遠浦茫茫舟上下隔淮漠漠樹交加五雲  
翹首京畿近虎踞龍蟠入望賒

### 五松勝遊

銅陵山水最清幽太白當年樂勝遊詩美常君同嘯咏飯  
慚荀媪獨淹留書堂高爽凌霄消漢文采光芒射斗牛舞袖  
一回千歲後五松拂盡水東流

### 石耳雲根

石耳山縣南二十餘里兩峯並峙一石高丈許有巨人跡名真人峯

石耳雙峯峻欲飛興雲翕歛妙天機空中未覩成蒼狗頂  
上先看冒白衣有意從龍為雨去無心伴鶴放晴歸作霖  
更喜甦枯槁多少瞳氓望解圍

### 禪寺曉鐘



鷄鳴古寺欲平明響振蒲牢百八聲驚起上方僧出定敲  
醒界下客趨程風飄逸韻催殘月霜肅洪音報曉晴可歎  
紛紛前代裏何人起聽不關情

縣河晚泊

烟暝江天夕照殘舟帆上下泊河灣微茫漁火依星燦迤  
逦征帆帶月還兩岸潮平波浪急一川風靜水雲閑更無  
犬吠驚鄉夢穩卧船窻夜不閑

曹韓沙識

銅阜樓靈

鉄船遺迹

併集國朝名人詩于後

董應揚槐陰小署

應揚武進舉人教諭

誰植雙槐環堵前扶疎如蓋綠森然啣杯時對朦朧月兀  
坐渾疑黯淡天兔眼成林繞數月鱸堂借覆幾經年敢希  
王氏三公後喜傍濃陰手一編

望圓高閣

巍峩高閣接城埤四顧山光入望奇獨步敲詩消白晝羣



居挾藻映青藜幾看春綻梅花蕊時見風翻楊柳枝無奈  
王程催去棹凭臨數有餘思

吳 琛清涼寺八景之三 琛繁昌人都憲

天台秀峯

奇峯聳翠碧雲端信是神靈拔地攢萬縷烟霞籠石磴四  
時花木蔭林巒鳥還青障歌聲雜人立紅亭眠<sub>眼</sub>界寬共說  
禪宗得穩<sub>栖</sub>個<sub>個</sub>中盤曲往來看

獅子昂霄

山形肖獸得名稱聳立雲霄態度橫霧罩晚岩疑氣吐草  
鋪春麓若毛生從龍有意能與雨與世無情豈啖牲獨愛  
禪房風景好年年側耳聽鐘聲

羅公書院

哲人有志助功名故向幽林結短楹屋裡<sub>伊</sub>嚶唔聲未絕案  
頭博覽業尤精一朝偉烈稱當世百載頽基仰舊聲珍重  
鄉邦年少士好將跡踪效前英

集國朝



王思奎曹韓沙識識曰沙頭圓出鼎元。奎邑貢生

漫道曹韓兩度圓須知努力自逢年魚龍祇待波濤躍鴻  
鴻常催姓字傳宗浪可乘曾有約盧標擬奪豈無緣從今  
草就長楊賦不向沙神囑幹旋

張國維銅阜樓靈維教諭

為仰高山望翠峩欣攀仙子幾經過雲封洞口禪閑靜月  
到潭心慧照多錦散烟霞飛寶樹泉分岩竇派銀河疑眸  
若蓬萊峽兩腋清風泛鉄舸

彭文煒鉄船遺跡煒教諭。共三詩為十景

金陵亦有覆舟山不道銅陵有鉄船若借阿瞞排赤壁寧  
憂黃蓋燼青烟五丁鬼斧開天塹十丈蓮航繫玉田彷彿  
仙槎真有據爛柯鞭石尚疑立

吳襄天王山

矯首凌江表龍岡此地同松深寒氣重苔碧翠烟籠上界  
傳清籟諸天散曉鐘梵雲飛不遠只在此山中

喻成龍五松書屋



數峯當戶牖高卧在其間酒熟人偏韻林幽鳥亦閒夕陽  
殘南郭疎雨過南山晏起行吟好柴扉夜不閑

官守仁旋里別五松山 守官雲南人邑令

龍堂松石記詩篇琴鶴無由做昔賢萬里欲歸心結一官  
官空寄累猶牽慚聞輿頌飛鳧好病怯雲山舞袖翩自笑  
知幾今已晚却將時事向誰傳

褚邦禮富覽亭和韻 褚署邑令

雲橫翠疊望中新收盡嵐光拾盡春最愛饒州賢刺史不

同俗吏嘆官貧

張開士寄懷五松舊契 張錢塘人邑令

五松留得酒痕香翠律銅官樹影蒼自笑樽空無李白誰  
從碑斷識文昌雪深快讀書千卷月夜愁添髮滿霜珍重  
故人勞見訪南臺佳什愧王祥

徐嗣芳杏山 芳銅陵明經

杏山縣東三十里晉葛稚川諱洪脩道于此鍊丹  
種杏花落繽紛今名花樞是也土產紅砂傳為遺  
跡山有響洞有杏花庵士民遊觀不絕



金爐曾鍊碧山頭紅杏繽紛指勝遊堰上時逢來往客花  
間能破古今愁重重翠壁開嶂新叠叠清泉遠故州誰道  
洪仙不復返依然雲霧鎖丹丘

英烈王廟

廟在桃村耆舊志稱姓神姚名顯字尚晦唐乾符中黃巢犯潼關顯領兵拒戰被害猶策馬提首歸營僖宗嘉其忠封英烈王立廟祀之按神本銅邑人和洲姥下河亦建王廟靈異更著

報國曾捐百戰身遺祠應得祀桃村丹心耿耿 蹟英

氣洋洋沒後魂千載王封功丕著四時廟祭禮彌敦乞靈

不特居民仰肝鬢相承盡後昆

徐

引冬日偕友登赤山磯

引字彭久銅邑郡庠

磯在城西里許上有古廟傾歌岩石間人跡罕至外環大江風水澎湃俗名小磯頭云

携手小磯灣蒼涼一帶間江聲依古廟帆影布空山酌酒  
探竒字分餘訂庶頑夕陽人酩酊城鍵未應關



池陽名勝述古類編

五松徐家達述編  
秋浦董永攀述編

石埭彙考

陵陽山志

陵陽山在石埭縣北五里高三百五十丈廣二十五里漢縣以山名竇子名得仙處劉向列仙傳漢陵陽子明者陵陽今子明也宋王鑑曰子明諱伯玉生沛國之鉅鄉軍陵陽清談終日縣務自理好栖息岩竇邑人謂之竇令尹晉郭璞詩及之有陵陽挹邑人畢鐸記云有三峯其東峯屬寧國府府太丹溜之句

平縣而中峰為最高自九華迤遞起伏而來轟聳特拔無

與倫比其前則黃山諸巒挿雲耀日有菡萏芙蓉之狀遙

為賓主云云其中峰之半有丹臺高二百餘丈旁有丹灶

丹井山麓有黃鶴池白鶴墩黃鶴林皆子明遺跡縣南二

十里涎溪即子明釣遊處傳曰子明漁釣于涎溪獲白魚鱗鬣異常部之得方書教其服

食之後以蓋山舒氏女仙化於此又名舒溪蓋山有舒姑泉宋劉峻書

法云蓋山之泉聞絃歌而赴節郡志登蓋山一百步許有泉

昔舒氏女採藥得桃實姊妹分食及溪就沐化為赤鯉其

母跡至惟見清泉湛然母曰吾女素喜音樂乃作絃歌果

有赤鱗一双躍出今作樂嬉遊泉猶湧沸其宣城記少異



唐天寶中就陵陽山麓建仙壇宮至今中元節祀之以涎

溪有舒姑廟宋紹興十七年賜額顯濟明初遷於金城山

麓有司以金城山在縣西二里有宋開福寺遊人題咏甚

多

集唐

李 白自梁園至敬亭山見會公設陵陽山水兼期

同遊因有此贈

我隨秋風瑤來草恐衰歌中途寡名山安得弄雲月渡江

如昨日黃葉向人飛敬亭恆素尚弭棹流清輝冰谷明且

秀陵巒抱江城粲粲吳其史衣冠耀天京水國饒奇英潛

光卧幽草會公真名僧所在即為寶開堂振白佛高論橫

青雲雲山雪掃粉壁墨多客新文為余話幽棲且述陵陽美

天開白龍潭月映清秋水黃山望石柱突兀淮開張黃鶴

久不來子安在蒼忙子安子明弟慕長年之術嘗愛四明

黃鶴以邀之遇之途子安駕黃鶴東歸子明駕白鹿西返

居人間空中絃歌之聲因名其鄉曰望西曰絃歌子明仙

去子安尸解人取其棺葬于陵陽山下有黃鶴栖東南焉

其冢林唐詩白龍已謝陵陽去黃鶴還應喚子安



可窮山鳥飛絕處稠疊千萬峰相連入雲去聞此期振策  
歸來空閉關相思如日月可望不可攀何當移白足早晚  
凌蒼山且寄一書札札令余解愁顏

至陵陽山登天柱石酬韓侍御招隱黃山

韓衆騎白鹿西往華山中玉女千餘人相隨在雲空見我  
傳秘訣精誠共天通何意到陵陽遊目送飛鴻天子嘗避  
狄其君亦乘驄擁兵五陵下長策馭西戎時奉解繡衣脫  
身若飛蓬鸞鳳翻羽翼啄粟坐樊籠海鷗一笑之思歸向

遼東黃山過石柱嶽崿上攢叢因巢翠玉樹忽見浮邱公  
又引王子喬吹笙舞松風朗紫霞篇請開蕊珠宮步步岡  
繞碧落倚樹招青童何日可携手遺形入無窮

羅隱題陵陽山房

丁令辭人辭世拂衣向仙路伏煉九丹成方隨五雲去

誤入花源裡初憐竹徑深方知仙子宅未有世人尋舞鶴  
閒過砌飛猿窺林漸通玄妙理深得坐忘心

賈島尋竇仙隱居島范陽人進士主簿



羣峭碧摩天逍遙不記年躡雲尋古道倚樹聽流泉花暖  
青牛卧松高白鶴眠我來山色暮獨自下寒烟

冠 豹登九日登陵陽山

絕勝高峰此日臨長林幽景可追尋開軒佳菊寒香細拱  
坐黃山黛色深羽化子明元有術詩吟李白亦何心短章  
懷歌罷重懷古獨立蒼茫思不禁

仙壇宮

多年不到此名山今日重來倚石欄曲徑綠蘿蒼影合長  
林清晝翠陰閒遊蜂釀密來花底仙犬迎人出竹間最是  
羽人能愛客淡然相對日忘還

贈仙宮道友

雲封丹灶靜霧重玉壇空野花常捧日山葉自吟風林泉  
明月在詩酒故人同待余逢石髓從爾命飛鴻

杜荀鶴與諸子入山看碑

人事有代謝山靈無古今丹臺存勝跡我輩復登臨三峰  
當戶秀萬竹映階森竇仙碑尚在讀罷費沉吟



宴黃羽士山房

書幌神仙錄畫屏山海圖酌霞復對此宛似入蓬壺

朱灣同達奚宰遊仙壇

松檜陰深一徑微中峰石室到人稀仙宮青不住青山在  
故老相傳白日飛華表問我何歲木片雲留著去時衣今  
朝茂宰尋真處暫駐雙鳧且莫歸

許渾陵陽春日寄汝洛舊遊

渾字仲晦丹陽人太和進士歷監察御史

百年身世似飄蓬澤國移家疊嶂中萬里綠波魚戀釣九

重青漢鶴愁籠西水池水冷春岩雪南浦花香晚樹風縱  
有芳樽心不醉故人多在洛城東

浩虛舟舒姑泉賦

以記云舒氏女化為泉為韻

溧水之上蓋山之前昔有處女化為澄泉瞻風而豔色如  
在責實而寒流宛然原夫曠別幽室暗悲韶年顧容華之  
莫守望世人而都捐儼弱質以徐求顏猶灼灼委貞姿而  
色動聲已涓涓眷戀無心淒涼故地念嬋娟之可惜驚變  
化而殊異俯視清流託誠幽意陳翫習而斯在庶精魄之



能記素鱗賴尾渾非舊日之容劇管繁絃徒盡生平之志  
既而水府潛處幽冥既而分凝情而淑斂寒色冶態而波  
生細文泛浮影於中流遙疑嫋嫋逗鳴湍於別派遠若沅  
汨由是鱗甲與遊綺羅長阻迷綠沼之迴復忘紅樓之處  
所源通湘渚寫幽恨於靈妃流達漢臯導春心於遊女淨  
已含虛清輝皎如烟凝淚以香起苔爛斑而錦舒浦水光  
搖似動橫波之末崖莎風靡如存鬢髮之餘想夫統質已  
銷陰靈未謝濯衣彩於花晝洗鏡光於月夜泠泠不濁殊  
畫地而俄成滴滴無窮類拜井而潛化且靜而清者水之  
宜柔而順者女之為憶朱顏之婉婉臨碧溜之逶迤浮沐  
粉聚懸流淚垂泛萍藻而翠翅碧落動菰蒲而綠帶參差  
及夫亂草丰茸古墟荒毀雜泥沙之汨沒蔽音容之妖靡  
至今閭里之人空傳姓其姓氏

集宋

梅堯臣寄題石埭權縣樂尉碧瀾亭

亭在舒溪

遙知溪上亭秋水瀟泠泠雲影無時翠嵐光到底清危樓



宣晚鼓驚鷺起寒汀聊作淵明飲臨流酒易醒

魏野煉丹臺

竇令燒丹處風景每清幽雲散青天月山空碧水流岩花

春映日窗竹夜鳴秋今古一相接長歌憶舊遊

王溉遊仙壇

溉石埭進士

仙壇在絕頂結友一登臨犬吠竹籬靜鳥啼花塢深甕頭

新釀酒壁上舊懸琴俗物不到眼醒人名利心

桂冷七里感舊

七里街為石埭故縣去縣治一百五十里唐僖宗光啟二年黃巢亂邑人桂盛恐溪東道坦易馳突於溪西作七里嶼嶼路避之

公暑署如今作土坵鋪茵芳草昔人遊春容藹藹三年事

轉眼風光滿地秋

桂滿庭和韻

封邑新遷作故坵舊絃歌處鹿麋遊而今饒有遺踪在草

砌苔封一片秋

集元



陳孟雲黃鶴池

鶴去池空水自清  
絃歌猶在萬松聲  
不知何覓參同契  
一覽仙風無俗情

集明

陳廷節舒姑廟

廷節石埭舉人

廟前流水碧溶溶  
遶屋青青幾樹松  
十二釵頭雙孔雀  
白雲深鎖綠苔封

桂 整舒姑廟

整貴池孝廉 思恩知府

蘇碑剝落蓋山腰  
往事分明說漢朝  
清水有泉曾化鯉  
春風無樹更生桃

聶茂先仙壇

聶同知

有客曾聞騎鶴遊  
飄然千載不回頭  
空餘紫氣連雲霧  
化作丹光射斗牛  
臺殿雖存唐歲月  
江山誰管漢春秋  
登臨不覺乘風去  
倚徧天京十二樓

張 輝仙壇

輝字蘊之石埭人進士 官福建按察司僉事

尋芳拉友上仙壇  
抖擻衣冠迥莫攀  
藥灶烟消紅日薄  
鶴



池春漲白雲閒  
雨餘泉溜飛三蔭  
風遞遞爐香散九還  
子遺蹤俱寂寞  
芳名留得滿人間

李廷璋回驢嶺  
璋字子純石埭人官按察副使

嶺在縣南十里相傳羅昭諫騎驢訪杜彥之值此嶺而返

昔賢相遇處  
把手共徘徊  
古道留陳迹  
今人自往來

牧鴨湖  
回驢嶺下相傳杜彥之牧鴨處

牧鴨人已去  
空留牧鴨湖  
為問烟波裏  
當年事有無

魚龍洞  
詳國朝詩

洞口桃千樹  
花開不記春  
落花隨逝水  
疑有避秦人

畢鏘暮春遊崇明寺  
在縣南三里宋創鏘字廷鳴石埭人戶部尚書謚恭介

山邨綠樹繞野寺  
白雲深鳥弄  
參禪語溪流淨  
客心輕烟

浮遠墅落日滿  
高林早出歸  
何晚春風慰  
盍簪

吳應箕杉山寺

郡志杉山在石埭西百六十里高千餘仞周五十餘里絕頂唐開元鎮國寺義安禪師道場山有鐘樓尖待月峯螺髻峯寶柱峯火流峯鷄足峯伏牛峯六大峯仙人岩觀音岩霞光嶺沙洪嶺西峰南臺皆聳峙雲表山南有百丈崖崖下伏龍池深不可測夏秋常有龍現又鳧鴨兒池亦



在南厓下歸雲洞在山之東蓬萊第一洞即羅漢洞可容數百人內有積翠臺蓮花柱華蓋岩山頂有露天泉西北有卓錫泉又許由泉飛龍峽錦繡谷金鷄石皆山之名勝唐李白嘗遊此

杉山山自萬山開夢裏曾經幾度來雲外僧居天外寺雨

中花散石中臺茗香此日同清磬詩句他年照綠苔不索

空門煩信宿誰令身世絕塵埃

### 王紹元蓬萊洞

青山古洞藤蘿外石室丹崖烟霧中臺擁五雲常積翠花

聯一樹欲生紅空庭華虛無座清廟遺音自在鐘此日登

臨成勝槩乘雲我欲跨飛龍

### 集國朝

### 方 文魚龍洞紀遊

郡郡志魚龍洞在石埭縣西三十里魚龍山山最峻聳下有洞二其一大者當口一池水紺碧色洞口奇石嶙峋如玉筍如蓮花如劍如戟有五柱芙蓉磬鐘鼓石仙人碁盤仙蛙獅子出龕仙翁諸奇勝凡七折水漸狹則起一石屋寬廣可容百人稍見天光中有綠魚白鳥歲一見之其一小者相去半里有宋紹興陳宗富智題詩刻石陳云天開虛寶涵神異幻出靈泓濟早農自是生民咸永賴崇興千載和洪鐘富云一竅竅玲瓏天鑿成藏仙跡勝蓬瀛涓涓玉液流岩



窟化作甘霖濟眾  
生自是遊人不絕

正想魚龍勝無從得主人逢君兄弟好贈我詠言新偶爾  
商攜屐欣然往問津涼風初過雨沙露路不生塵未覺溪  
邊遠來尋洞口春小舸穿穴竇列炬照嶙峋海島將母似  
鮫宮果是真奇花開菡萏古植蔭松筠鐘鼓皆成響鯨鯢  
亦聳鱗仙翁眉目具老鶴羽毛馴最妙羅樹全遮金粟身  
水簾飛蝙蝠石檻立麒麟平坦高坡上依稀淺渚濱方廣  
容容坐冷飲不妨醒野興重更燭清謳一啟唇祇疑聽仙

樂矣止避狂秦往路仍深邃丹師怯鬼神石門誰敢入險  
地不須臻舴艋催回去蛟螭恐怒嗔順流休蕩槳急瀨可  
垂綸冥黑如過夜熹微漸及晨茲遊嘆奇絕前此更無倫  
理策歸邨店褫衣卧草茵山家歸送酒爛醉莫辭頻四美  
原難遘孤懷豈易陳惟應卜居此長與爾為鄰

### 登陵陽望黃山

往聞陵陽山上有天柱峰天柱今不見但見雲巒重引領  
望黃山燦若青芙蓉相去僅百里何為阻遊筇朗吟太白



詩惆悵倚孤松彼有韓侍御尚云未從容我今無地主欲  
往將馬從却羨寶子明絳霄騎白龍

蘇汝霖仙壇宮

壇宮何閒寂攜友快同遊客到輕雲散鐘鳴衆壑幽捫蘿  
尋石室紆徑見丹邱况屬深秋後登臨豁遠眸

姚子莊九日登陵陽山

莊子六康歸善人解元邑令

十載看山漸白頭每逢佳節喜來遊凌霄鶴影搖空翠入  
暮蟬聲咽素秋高樹連雲晴壓帽寒峰如畫豔當頭樓却

憐舊日征書急此地黃花滿目愁

李以篤由石埭之太平

記別仙源久驪車又向東黃山瞻顧裏白嶽夢魂中鳥帶  
深林綠人歸返照紅慚無濟勝具只此感何窮

江桓雪後遊滴水巖

桓字武子建德人著餅齋集十卷

滴水巖在縣東十餘里又有鯉魚石有蚌珠石佛石宋邑令黃丙禱兩處

有袍擁雪雙肩聳喜看簷溜晴微洵門前踏翠碑幾瓊瑤  
開粲粲投雙珙飄然詩思最清新何以侑之酒百巡古人



畫水令水響未若茲畫之為神憶昨相攜展清眺歷歷遊  
蹤收衆妙妙具真堪濟勝情高歌自激殊常調沙晴草暖  
踏蒙茸笑指林端峰外峰十步一溪五步石屐齒石齒相  
淙淙山歌徑仄如刀削天半踈篁杪朱閣以拳握勝行且  
聽晴晝冥冥風雨落異哉匡山瀑布幾時移又聞謫仙高  
叫銀河一派垂冷然肌粟不可久光搖銀海生琉璃晶若  
機上天孫綫亮若屏中雲母片犇如八月廣陵濤碎如三  
冬廣庭霰怒如撞鐘鐘鏗鏗和如擊玉玉琤琤若攜謝眺

來投句問汝山靈驚未驚吁嗟乎川自共流山共歸名山

自古無藏埋奈何哉雲深路絕無人知古來奇人埋物原

疑有皆如斯歸來索飲三日醇胸中五嶽那得平傳君佳

句歸吳下要使茲巖擅盛名

建德彙考

集宋

范仲淹堯廟廟在建邑南堯城溪旁有堯城鎮為都  
郡志流寓傳范公字希文歷官將相為宋名臣臣諡  
謚文正蘇州人生二歲而孤隨母謝氏鞠于青陽長



山朱文瀚家長因朱姓名悅貫青陽中進士  
元獻公表掌應天府學奏復姓名再薦召試秘  
閣校書贈故淄川朱文瀚太常博士土人號長  
山所居曰范塘其讀書之處曰讀山山上有洞  
曰秀岩宋時公祠在長山以滕子京配今祠圯  
按子京字宗諒與公同登進士歷官待制嘗改  
池州權酷稱九華靈異可棲卒葬青陽金  
龜山范公為記范公祠丁恭恣為記

千古如天日巍巍與善功禹終平洛水舜在致熏風江海  
生靈外乾坤揖讓中鄉人不知此簫鼓謝年豐

張 拭堯廟

明祀從千載荒山拱萬靈挿天峻絕壁飛瀑下空庭繪事

存淳古真風寄杳冥蘋蘩何以薦帝德日馨惟馨

僧志南梅山寺

寺在縣南十里梅山宋僧志南建松關四亭即  
古崇明寺踰寺西南普門嶺朱晦翁訪僧時書

古木陰中繫短蓬杖藜扶我過橋東沾衣欲溼杏花雨吹  
面不寒楊柳風

梅堯臣遊梅山寺

梅公知建德有惠政邑人  
立亭祀之詳見秋浦集

春山日可愛因誇舊禪宮路繞危溪入橋緣古木通白鷄  
鳴屋外綠水過庭中獨坐昔云樂何如親友同



臘日出獵因遊梅山蘭溪

我與二三騎爭馳孤戍旁  
逐麋逢野寺息馬據胡床  
鷹想支公好人思灞上  
狂歸來何薄暮烟火照溪光

徐元與見邀同遊峰山上溪上

溪即茹蘭溪在縣南五百步許

春霽重行行行在墟里  
攄懷厭樓觀寓興欣  
山水斷壁翠連雲  
寒流清見底主人開綠樽  
下馬臨芳芷澄溜瀉灣  
滑跳波生石齒園林始弄華  
皋壘時鳴雉談謔忘機心  
笑言驚俗耳曠哉茲日遊  
何羨稽山美

集元

薩都刺建德道中

泉作溪流石作橋桑麻成壟接東饒  
雞鳴犬吠人家近水轉峰迴驛路遙  
虎嘯樹林風獵獵人行弓箭馬蕭蕭  
多情一片吳天月夜夜相隨伴寂寥

集明

戴時中遊梅山寺

問訊梅山老梅開第幾枝  
傳衣來此地飛錫去何時  
佛念



原無着宗風自有詩我來倚高閣重起白雲思

孔貞運和韻貞運字開仲句容籍建德人萬曆中榜眼贈太保諡文忠

燈燈原自續無樹亦無枝桑海幾經變梅山到此時橋頭傳古木石上譜殘詩為着尋梅句悠然有所思

戴 珊建德即事

一舍西來路停驂日未斜雪山濃淡處茅屋兩三家士俗憐從儉方言認不差灑然心對月竹影上窗紗

黃端伯建德道中

青天霜氣迫匹馬去層沙遠道風千里寒城月萬家亂山盤徑險深樹引堤斜夙昔悲秋舊偏於作客賒

徐 紳雲峰寺紳字五臺建德進士官都御史。寺在縣西宋高宗御書雲峰古刹額

陶令歸來興益豪尋僧結社不辭勞青鞵布襪窺樵路綠壑丹厓伴我曹酒榼緣雲邀落日杖藜隨水出東臯無因得問西來意悵望秋林空翠濤

陳 焯梅公亭懷聖俞

郡志元令吳師道梅公亭記曰池之建德故宋尚書都官員外郎國子監直講梅公聖俞景祐



間知縣事集中詩幾百篇皆在是邑作當時風物宦况可考見也公建朝峰亭于縣治後白象山頂後令柴夢規即址建亭以祀之

恠底詩名冠慶歷吟囊隨處得山川家原象鳥孤雲外宦

復蘭皋菊水邊哀壑風生疑咳唾廢亭壁立尚香烟茲坵

祇道留遺愛我為騷魂一愴然

隱山寺

按文選樓志在隱山寺在建德縣南七十里額有昭明手書隱山之寺四字宋宣和尉張昇摹本刻於西郡城西廟中茲因橐附建德名勝然未見有前人詩句率成一絕以誌之董永攀

山寺兆逃名不惹塵當時大隱是何人隱山之寺昭明額

四字千秋映紫宸



東流彙考

菊江亭志

菊江亭在東流縣西

菊江門外  
蟹石山

一磯臨澗大江明宏治中

邑令向錦建以祀陶靖節治後有菊所舊傳晉陶潛令彭澤種菊於此亦名菊臺邑人汪文有菊江亭記

集唐

楊

發宿黃花館

在縣市  
北今廢

孤館蕭條槐葉稀暮蟬聲隔水聲微年年為客路無盡日  
日送人身未歸何處離鴻迷浦月誰家愁婦擣霜衣夜深

不卧簾猶捲數點殘螢入戶飛

集宋

楊萬里解舟雷江過東流縣

雲散烟還合天晴日半烘青山猶淡白碧水欲輕紅棹幸  
欣平浪公無怨逆風回思五湖裏敢望大江東

詹中正香山

香山在菊邑西四十里疊嶂層巒有石岩泉洞之勝其麓有寺

浪兀孤舟一輕葉輕香山登望覺神清幾多恠石全勝畫  
大半奇花不識名猿狖盡當吟裏見烟霞祇向眼前生官



身永約重來此酒滿螺杯月正明

集明

謝明菊臺曉望 謝番禺人教諭

溪雲閣雨半陰晴碧眼看花老更明上上菊臺成獨笑秋風惟愛此寒英

陳獻章菊江

誰將此菊種江濱物色常當年漉酒巾若道淵明今我是清香還屬隔江人

和每政菊江

陶家莊子未全荒籬下西風一徑霜紅紫相看零落盡寒花只作舊時黃

廖 皞菊江亭 皞臨桂人進士教諭

陶公非是愛黃花花與陶公本一家懶向春風競冶色自甘秋露綴英華寧知發早還先萎到底開遲覺後賒物理細推元有定銜杯何必月西斜

李一元菊江亭 建德進士官兵部侍郎



誰知靖節迴瀾志壁立江亭萬古榮直與鯨鰲維四極豈  
尋鷗鷺定參盟菊花解語閑情適柳幹舒春勁節橫為問  
校書投閣者何如處士更崢嶸

王世貞阻風黃石磯磯在縣北六十里明寧庶人反  
南昌師至黃石磯王師敗之

桃葉江南江北桃花千山萬山捲簾但看白浪沽酒不減  
朱顏

長江宛如白龍怒起鱗甲千重惟是江頭山色居然不改

卷五文苑

六 邦輔菊江賦輔字子相東流人宋  
歷官御史

殘闕